

五臺新志

第二冊

(24946)

五臺新志卷二

邑人徐繼畬輯

鄭增耀

徐耘田

劉升瑛

張映環

補注

山水 修改舊志並新補

五臺徧地皆山導脈恆嶽連太行入陘在縣境者  
五臺山爲鼻祖東一支大幹直走東南南接孟縣  
襄界橫嶺側峯蜿蜒起伏多峭削如壁有石無土兩  
山之閒夾爲深溝綿亘二百餘里迤北者曰上峪迤

山西書局

地方文獻

南者曰下峪東峪西一支大幹由東西峩嶺走繁峙代州迄於雁門中閒支條南出蟠繞錯互矗爲峯巒降爲岡阜迤爲坡陀市滹沱河之兩岸土人隨地命名不可勝紀今僅志其最著者河之最長者曰清水河流二百餘里鹿陽慮鹿兩河附之入於滹沱西南有泉巖河東南有東峪河下游皆入滹沱諸水皆自北而南滹沱自西而東故爲諸河之歸墟今分著之

### 志山

五臺山在縣治東北一百二十里

以臺懷鎮言也

左隣恆山

右接天池環基五百餘里道經以爲紫府內典以爲清涼上有五峯高出雲表山頂平廣無林木有如壘石之臺故名五臺釋典相傳文殊師利現化之地卽此山也中臺別名翠巖峯丹崖翠巘縹渺雲閒實眾山發脈之祖高三十五里頂周五里西北有太華池其水出幾日入滹沱峯右有甘露泉東南有玉花池旁有三珠泉大南路東治等九村伏日遞年輪流賽會祀龍神必取玉花池之水供神以金蓮花爲驗他處之金蓮花皆單瓣惟玉花池所產爲雙瓣也南下一支屢起屢伏突出一峯小於羣山名靈鷲峯一名菩薩頂今爲

南者曰下峪東峪西一支大幹由東西峩嶺走繁峙代州迄於雁門中開支條南出蟠繞錯互矗爲峯羣降爲岡阜迤爲坡陀而滹沱河之兩岸土人隨地命名不可勝紀今僅志其最著者河之最長者曰清水河流二百餘里虜陽慮虎兩河附之入於滹沱西南有泉巖河東南有東峪河下游皆入滹沱諸水皆自北而南滹沱自西而東故爲諸河之歸墟今分著之

### 志山

五臺山在縣治東北一百二十里以臺懷鎮言也左隣恆山

右接天池環基五百餘里道經以爲紫府內典以爲清涼上有五峯高出雲表山頂平廣無林木有如壘石之臺故名五臺釋典相傳文殊師利現化之地卽此山也中臺別名翠巖峯丹崖翠巘縹渺雲間實衆山發脈之祖高三十五里頂周五里西北有太華池其水出峩口入滹沱峯右有甘露泉東南有玉花池旁有三珠泉大南路東治等九村伏日邈年輪流賽會祀龍神必取玉花池之水供神以金蓮花爲驗他處之金蓮花皆單瓣惟玉花池所產爲雙瓣也南下一支屢起屢伏突出一峯小於羣山名靈鷲峯一名菩薩頂今爲

黃教大喇嘛駐錫之地東麓有萬年冰九夏不消桃

李生冰隙南有九龍岡西南有獅子窩東三十里爲

梵仙山諸書作飯仙今照一統志改梵山中臺之前案也北四十里

有萬聖澡浴池東臺別名望海峯五更時日出搏

桑可以望見大十倍於車輪紅輪之下隱隱有水光

閃爍卽東海也山上舊有望海樓後燬於火高三十八里頂周三

里有紫府廟東畔有那羅延洞風甚寒盛夏有冰

五色雲常出其中又有樓觀巖內有習觀巖西北十

五里有華巖嶺清水河發源之處又有仙人洞臺南

覆畔有棲賢谷明月池相傳天陰時池中見月似不近理西南有青

峯一名黛螺頂南連望聖臺臺下有東谷池溫湯池

溫泉寺南臺別名錦繡峯山多野花金蓮日菊佛

鉢開時爛如鋪錦故名高三十里頂周二里世傳爲

文殊師利道場西北有千佛洞東三十里有聖鐘山

狀如覆鐘西南二十里有三賢巖又名七佛巖西北

十五里有清涼嶺清涼泉又有清涼石石方平自然

紋理厚六尺餘圍圓四丈七尺許其上能容數百人

然石不附山一夫撼之可動相傳以爲奇蹟上有羅

漢洞東北有竹嶺，又有古南臺者在臺頂之南二里許。西臺別名挂月峯，月西下時，挂峯間如懸鏡，高三十五里，頂周二里，北有秘魔巖，逢天陰中有聲如風雨，嶺畔有薩埵巖，捐身巖，臺西有八功德水，東北嶺下有文殊洗鉢池。北臺別名叶斗峯，仰視斗杓如可挹，風雲雷雨出自山半，其上仍晴朗。臺頂皆如臺也，但北臺尤高耳。高四十里，頂周四里，頂有黑龍池，卽天井也。南下二十里有白水池，與天井連，其水從繁峙峩口入滹沱。臺南有羅喉臺，七佛池，飲牛池，東有寶陀

峩，黑岸洞，又有寶山，產銀礦，石綠，天花，與東臺相連處。山麓有金剛窟，歷代高僧參悟之地。顧祖禹方

輿紀要云：五臺山有四埵，東埵爲無恤臺，卽恆山，趙襄子曾登是山，因名。西埵爲晉臺山，卽管涔山，南埵

爲繫舟山，北埵爲覆宿山，卽夏屋山。按一統志，覆宿

是一山，並非夏屋。清涼山志引妙濟傳，亦以恆山爲東埵，夏

屋爲北埵，而以方山爲南埵，以磨笄山爲西埵。案四山距五臺甚遠，殆廣魯於天下耳。清涼山志謂好事者所立之名，諒矣。

縣以五臺山得名則志山必應詳核諸書所載大  
致相同亦頗有參差歧異之處 國朝所纂一統  
志刊於乾隆九年在

聖祖歷次巡幸五臺之後臺山諸處勝蹟多有

御製碑文匾額其所紀載自較別書爲可據今以一  
統志爲綱一統志所未詳者以舊縣志及清涼山  
志補之並參以顧祖禹讀史方輿紀要等書聯綴  
成篇庶覽者無挂漏之譏焉與臺山昆連諸山已  
附見於臺山者以下不復重列

案五代史載北漢僧繼容在五臺山柏谷置銀冶  
募民鑿山取礦煎銀仰以給用卽其地建寶興軍  
卽北臺下所謂寶山產銀礦者也舊縣志載明萬  
厯間礦務方殷礦賊張守清盤踞鐵鋪衆至八千  
餘人殺人劫掠爲縣大害後清死賊衆乃解散又  
天啓七年魏瑞聽信術士言三關有礦遣官踏驗  
隨行數萬人自龍泉關經五臺過雁門羸馬人夫  
彌山谷騷擾一方民不聊生然則山產銀礦豈地  
方之福哉

**注**水經注云五臺山五齋巍然故曰五臺晉永嘉三年雁門郡人

寰宇記引雁門郡下有獲人縣三字

五百餘家避亂

入此山見山中人為先驅

寰宇記引作見山神為之先驅

因而不

返遂甯巖野往還之士稀有望見其村居者至詣

尋訪莫知所至故俗人以為仙者之都矣中臺之

山山頂方三里西北陬有一泉水下流謂之太華

泉蓋五臺之層秀仙經云此山名為紫府仙人居

之其北臺之山冬夏常冰雪不可居即文殊師利

常鎮壽龍之所今多佛寺四方僧徒善信之士多

往禮焉

案五臺之名北齊始見於史而酈注水經實在其先今本經注厚池水一卷久佚太平御覽及寰宇記引有此文而御覽較備為此山

紀載之權輿宜詳徵者其他經典所引已具清涼山志者不復備注附錄龍汝言御試清涼山

賦聖天子一中允執萬福斯禩圖膺丹籙念

塵蒼黎誠至格天因名山而展禮典隆法祖

莅福地以遙躋闢勝境之清涼百靈蘊萃演釋迦

之法化十刹招提五髻浮青地鞏方輿之北千巖

挹翠天臨畿輔之西原夫清涼山者參墟分野恆

嶽為鄰倚雁門而盤鬱聳雲代以嶙峋現五峯於

寥宇環四埵於遐垠紫氣春融睇蓬瀛之欲曙丹

霄日麗燦錦繡以鋪茵月鏡懸巖掖斗高橫夫秋

彩天弧射虎湧泉肇紀平春巡爾乃崩巖黛螺峯

巖紫府日月同環煙霞吞吐洵域內之奧區實文

殊之化宇雪飛九夏之晴冰結萬年之古洞光珠

樹增輝紺殿琳宮玉瀾瓊枝徧覆慈雲法雨濬璇

源之活潑溪注其三屹岳勢以嗟峩峩峯呈維五自



夫摩騰初至，天眼爰開，迺鼎新乎祇宇，闡象教之兼該。蓮界三千，駕金橋而焜耀；仙人五百，步銀道以徘徊。嶺象躩踞，而乍過雲獅奮迅；以偕來，鎧箠蒲衣煥，祥光於彼土；翠巖靈鷲，踞尊勝於中臺。然而東漢以還，乘輿罕至，雖傳玉劄之文，未展金根之轡。惟盛代之重熙，表曼殊之極瑞，是以坊留化宇，紀聖祖之三臨，堂額恆春，景高宗之六莅。琳崖刻石，常昭天翰之光；塔院傳鐙，普被伊蒲之賜。蓋道隆設教，禮在則然；而事協勤民，政非無爲。今我皇上，德符參贊，治洽神人，建極以綏，庶福省歲而澤三春，瞻茲靈宇，實徵聖因。安慈門之淨業，顯大士之能仁，蹕駐臺懷，印三乘而證妙，懋鳴峯頂，詣十寺以虔伸，故義展肇西，巡之典而恩流，溥東作之民，斯時也，皇儀穆穆，帝德巍巍，佛參佛而相契，聖證聖以弗違，所由熙育潛通，甘樹滋膏，而虛霏休徵，感召祥雲，散彩以霏，綴將沛羣生之溫澤，皆資睿慮之誠祈，自是厥後百瑞駢臻，羣靈輯睦，川嶽徧乎懷柔，孟嘉謂而清

淑，戶有倉箱之積，風以和而雨以甘，野無寒暑之咨，陽不愆而陰不伏，神皋旣著其嘉祥，聖道益昭，億禩無疆之福，明喬宇五臺山記，正德丙寅夏發沙湖驛，由南峪口十五里入山，長松古杉，掀空障谷，鹿游於巖，鳥鳴於叢，上嶺至華巖口，望諸臺甚邇，靈雲怪霧，淒風密雪，相雜而起，恍然睂然，倏陰以晴，造物奇觀，不可形述，又十八盤下嶺，石徑确榮，萬澗汨汨，泠泠如笙如簧，凡揭涉七十里，至顯通寺，因北岡而來，風景殊絕，梵剎數十，擁於左右，此下地漸寬夷，夜遂宿於顯通，燠明山空澄濟，但覺風颼颼起，林閒有僧進日，諸臺風雪繁猛，石且冰路，且泥不利，躋躡予笑而不顧，乘小輿徑上中臺，緣岡行十里，至玉亭寺，嶺丹碧映輝，葢閣於山腰，又十里，至歡喜嶺，風果鬻發，如隆冬時，幾不能往，稍憇嶺下，風忽和，遂至絕頂，見四臺各拱其方，如分如織，其形勢又各秀拔，如爭奇鬪麗於雲表，余遂題名於壁上，薄晚下山，游玉華，眞容圓通

諸寺皆清幽曠邃寺旁飲三株泉馨冽異常其沸  
正如珠狀去泉百許步觀七寶珠樹高二丈許下  
披覆四下復歸宿於寺又明日離寺山行過飯仙  
山陽相峪寺二十里過竹林寺又過嶺日金閣殿  
唐太宗所建今已廢下嶺為清涼寺遠望宮殿綴  
附半巖儼若圖畫南有清涼石幅員數丈重層複  
級而上俗傳可坐千人又行十里晚至佛光寺宿  
焉已出在南臺之外也國朝裴正文五臺山記  
五嶽之外古稱三大士道場者有普陀峩眉五臺  
焉普陀僻在海中峩眉天梯石棧高峙閣外是二  
山者或境遠不可即或道險未易登其近拱神京  
襟帶幽燕頽顏恆嶽化人所託迹緇流所皈心者  
莫如五臺山亦曰五峯在代州五臺縣東北一  
百二十里環五百餘里柳宗元送浮屠文暢登五  
臺序有曰雲代之間有靈山焉與竺乾鷲嶺角力  
相應者也華嚴經大疏清涼山即代州雁門郡五  
臺山巖積堅冰夏仍飛雪故曰清涼元和郡縣志

內經以為紫府山蓋即是山也五峯聳列高出雲  
表如壘土之臺故以五臺著水經注謂五巒巍然  
史焘通鑑注謂山形五峙者以此其列為五者唐  
觀國師云表大士五智已圓五眼已淨總五部之  
眞秘洞五陰之性源故首建五佛之冠頂縮五方  
之髻為妙法蓮花勝境云東臺去中臺四十二里  
東為龍泉關路高三十八里頂周三里勢若鼇脊  
雲氣磅礴日光激盪清籟曉發爽氣澄秋東望明  
霞如帔若鏡滄瀛一碧紫淵青巖相與混涵名曰  
望海峯東溪之水北注滹沱其畔有那羅延窟洞  
口窄狹側容人身春風凜冽夏冰不消經云菩薩  
住處亦謂神龍所居頂有笠子塔宋宣和間代州  
牧趙康弼見異僧入那羅延窟留斗笠建塔藏之  
復有漫空石盛夏流液不竭北有觀音坪西北有  
華嚴谷東北有棗林又有梵宇曰五王城天城在  
其側靈蹟紀云天城即化字也迥出霞表遇者塵  
機頓靜東有大會谷衆溪交流滹沱河發源於此  
東南二十里為華林六十里為馬跑泉七十里為

溫泉化竹林卽東臺西南支山去臺二十里昔人有遠望萬竿葱蒨近則失之遂卓錫焉其南卽大螺頂亦名黛羅古曰青峯石磴盤旋徑路陡隘登者甚少大螺頂之南卽現聖臺唐觀國師嘗見萬聖羅空五雲停岫故亦名望聖臺華嚴嶺在西北十五里亦曰清嚴嶺嶺下有雪浪亭近接仙人洞其南有鐵鋪西南有棲賢谷明月池研伽羅山若黃巍嶺卽宋張商英兒神鑑處無恒臺趙簡子獵常山西占紫雲之瑞五臺總名曰紫府蓋以此也西臺去中臺四里去北臺三十五里臺亦高三十五里頂周二里舊名拷栳山後改名掛月峯每當木葉盡落夜靜山空月墜峯前皎若懸鏡八功德水在西臺北又西臺頂上人馬迹相傳北魏孝文帝避暑至此其顯化者有二臺對諱石文殊洗鉢池至龍窟龍洞窪壩亦據百臺之勝西去十里爲秘魔巖名勝志云天陰中有風聲相傳爲文殊合掌禁五百劫龍於此五十里爲戛谷水經注戛谷之水出於中臺蓋峯之西卽中臺而香山又在

中西兩臺之間凡東西南北四臺皆發脈於中臺羣嵐遠屬勢若游龍惟南臺獨秀而稍遠仰若覆盂晴峯翠嶽旭日曠曠山陽稍溫當春和時花草絢發因名錦繡峯去中臺八十里臺高三十里頂周二里擅名勝者凡十有四所如古南臺載帝堯之避水插箭嶺傳宋太宗之北征列萬木坪於西南導千佛洞於東北或龍母聞法而成堆或梵僧入寂而啓洞或光現空中嶺號金谷或濤生雲際城名海螺以及仙花山鹿陽嶺聖僧崖古竹林大盆谷聖鐘山之類鐵虞猶在勝幢尙存環繞南峯壘著盛蹟固莫可得而殫述也山勢莫高於北臺去中臺十三里高四十里頂周四里上薄雲霄因名叶斗峯或又謂掖斗峯雲氣瀾漫吞吐萬狀捫手層霄疑若可卽俯瞰諸峯煙靄鬱勃風雨起於帛下雷電作於半麓左臨右逼倏陰倏晴東眺海洋水直如立北矚廣莫雲橫不飛誠鉅觀也其中泉有羅漢臺唐時十六梵僧集此同化其後有九女泉南畔爲黑龍池暨羅喉臺上有金井池甘露禱

此輒應羅喉臺之南麓爲七佛池環繞左右有飲馬池黑岸洞焉說法臺在北臺之東遊人過此時聞清梵聲東南相絡者曰樓觀谷谷之左曰金剛窟谷之後曰白水池其西曰五郎祠相傳宋楊業第五子習靜處北臺南有紫霞谷雪花繞徑白雲成坳土人呼爲北臺溝清涼最深處也龍門峙南麓下有留雲石北有藏雲谷雲入爲霽雲出爲雨北三十里曰大黃尖卽古北臺西北曰藏眞谷五百梵僧舊藏修之地去北臺最遠者有寶陀峯泰戲山山海經所謂秦戲之山無草木多金玉滹沱之水出焉者也至若蒼崖拔地翠瀉浮空與西北二臺肩臂聯接者是謂中臺高三十九里頂中廣周五里曠晉陽於西絡凌沙塞於北陞源有五溪二溪左注清河三溪右由西臺下出峩口入滹沱焉靈鷲峯在中臺東南今名菩薩頂別出五峯之外環若屏障以山形似鷲嶺故名峯前有雜花園唐時築戒壇於此峯右有甘露池其前有大寶塔高出雲漢神燈夜燭爲清涼第一勝境塔右有佛

足碑並文殊髮塔昔菩薩化貧女遺髮藏此塔左有股若泉唐僧慧潛結庵課經庵側泉湧故名東爲鳳林谷去臺三十里爲梵仙山五百仙人餌菊之所清涼谷去中臺四十里南有羅漢洞西有清涼石厚六尺五寸周遭四丈七尺石面如砥螺紋相生有頭陀跌坐說法梵音琅琅卽之已杳後人目其坐處爲文殊牀萬年冰在其臺東麓積冰數丈九夏不消桃李樹生於冰孔夏初始開涼沁心脾蘊隆煥釋東南有玉華池昔五百梵僧至此休夏池生白石堅瑩如玉故名自此而南則爲九龍岡西南曰獅子窩西北曰太華池北四十里曰萬聖澡浴池靈宅奧區不可僂指豈僅若金臺五所玉樓十二而已哉又況土氣醞釀泉膏滲漉天花雨潤垂於山蹊地菜溼蒸翳於巖谷銀盤柴木野蕨茁生名花有五曰日菊花藥晝開夜合曰金芙蕖亦名金蓮花陸地蓮曰柏枝香氣如松柏芳郁襲人曰鉢囊世傳五百羅漢結夏中臺遺其鉢囊化而爲此花曰玉仙亦名大吉惟南臺有之異草

有三曰普登曰雞足曰菩薩綫並載宋僧延一舊志及元好問佛鉢僧鞋彩雪晴雪之句其禽有山鳥似鳥而小赤觜穴乳爾雅所謂鸚也號寒蟲陶宗儀輟耕錄論之甚詳長松草見於東坡送天覺詩暨姚福青溪暇筆娑羅樹亦名杪欏在臺懷二十里外枝幹盤蚪高二丈許葉皆七出又名七葉木物產蕃衍姑撮其凡若夫梵刹百餘丹聖輝映晚鐘曉磬響答雲際琳宮紺宇回互於蒼巖翠壑閒固有接應不暇筆不勝紀者可弗復采云夫山非名勝不傳名勝之地非得聖人瞻謁之闡揚之則傳亦不盛會稽宛委因夏禹益彰空同具茨遇軒皇彌燿嘗考感通傳載周穆王時有建祠崇祀文殊之事言雖眇遠而化人靈應列子亦嘗言之洎乎摩騰西至梵宇聿興大孚靈鷲之區遂著為仙都勝境高齊元魏以還增置刹院旛幢五頂寢以盛矣唐宋元明代有崇奉一丈六尺之金身三百八十軸之玉削普門有葺歌曲有讚他如賜衣錫稅建塔修齋香火告虔中使頻遣蓋信心致敬

皆以介景祉而導勝因洪惟列聖祝釐錫福清蹕恩膏鴻文藻耀闢祗園而贊福布金地以延禧我國家曠典為前古所未有也皇上法昭示萬年永永無極者矣若夫南海之紫竹西蜀之青城方茲福矣敬濡毫而為之記宋張商英題五臺山詩東臺云迨迨雲水陟峯巒漸覺天低字宙寬東北分明觀大海西南咫尺望長安圓光化現珠千顆聳日初昇火一團風雨每從巖下起那羅洞裏有龍蟠南臺云披雲躡雪上南臺北望清涼眼豁開一片煙霞籠紫府萬年松徑鎖莓苔人遊靈境涉溪去我訪眞容踏頂來前後三三知者少禡僧到此甚徘徊西臺云寶臺高峻足穹蒼獅子遺踪入水傍五色雲中遊上界九重天外看西方三時雨灑龍宮冷一夜風飄丹桂香土石尚能消罪障何勞菩薩放神光北臺云北臺高峻碧崔嵬多少遊人到便回怕見目前生地獄愁聞耳畔發風雷七星每夜露峯頂六出長年積澗杯若

遇黑龍靈燥者人閒心念自然灰中臺云中臺岌岌最堪觀四面林峯擁翠巒萬壑松聲心地響數條山色骨毛寒重重燕水東南濶漠漠黃河西北寬總信文殊歸向者大家高步白雲端總題云五頂嵯峩接大虛就中偏稱我師居壽龍池畔雲生燥猛虎崑前客過疎冰雪滿山銀點綴香花徧地錦鋪舒展開生員長三尺方占山河五百餘金元好問臺山雜詠十六首登臨夙有故鄉緣試手清涼第一篇知被錢郎笑寒乞不將錦繡裹山川西北天低五頂高茫茫松海露靈鼈太行直上猶千里井底殘山枉叫號山上離宮魏故基黃金佛閣到今疑異時人讀清涼傳應記諸孫賦黍離一國春風帝子家綠雲晴雪閒紅霞香綿穩藉僧鞵草蜀錦驚看佛鉢花沈沈龍穴貯雲煙百草千花雨露徧佛土休將人境比誰家隨步得金蓮靈蛇不與世相關時復蜿蜒水石閒何處天瓢待霖雨一龕香火梵仙山萬壑千巖位置雄偶從天巧見神功湍水已作風雷惡更在雲山氣象中顛風作

力掃陰霾白日青天四望闊好箇臺山真面目爭教坡老不曾來山欲吞吐翠微中淡綠深青一萬重此景祇應天上有豈知身在妙高峯兜羅錦界寶光雲際同瞻化現身解脫文殊俱有說是中知有木強人真向華嚴見化城翻嫌金屑翳雙明惡惡不可惡惡可未要雲門望太平總爲毗耶口不開龍宮華藏頓塵埃對談石上維摩在珍重文殊更一來咄嗟檀施滿金田遠客遊臺動數千大地嗷嗷因炎暑山中多少地行仙石罅飛泉冰齒牙一杯龍焙雪生花車塵馬足長橋水汲得中冷未要誇凜凜長松臥洞阿提壺悲嘯撫寒柯萬年不到秋邱重細路沿雲奈爾何熱惱消除佛作緣山頭冰雪過尖天法王悲智何窮盡更有清涼徧大玉薩都刺送問師之五臺問子初識面天涯任去留西風洞庭樹落日楚淮舟歲月棕鞋底江湖竹杖頭丹陽纔洗鉢又入五臺遊明趙夢麟宿東臺詩瓊樓標象外日暮野雲孤北斗當窗列西天近座隅羣峯歸冥寞大地入虛無此際吾高

枕乾坤一夢圓，又獅子窩云。每過僧誦處，便覺一  
官輕幽壑。從吾好浮雲，任世情憑欄。看鳥迹依杖，  
聽泉聲佳水。佳山地終常結，素盟又梵仙山云。踏  
雲尋山徑，登臨四望紆。陰森千樹合，突兀一峯孤。  
野色時明滅，鐘聲乍有無。羣山不可見，到此獨躊  
躇。又遊五臺絕頂云。清秋乘興御風來，五頂登臨  
亦壯哉。萬木陰森香霧合，千峯叢鬱瑞煙開。西飛  
日月階前沒，東去江河檻外迴。安得凌虛生羽翼，  
憑高咫尺到蓬萊。陸深南峪雨後取道上五臺  
云。六月蕭然似晚秋，登高重整木棉裘。卽看滿湖  
泉初出，却是前巖雨乍收。碧嶂隨孤鳥沒，白雲  
長傍古松留。幽芳一路無人采，何處三山更十洲。  
又入臺云。山水情多不自山，白頭終作五臺遊。萬  
重雲樹高低出，千里濤沱背面流。絕頂直疑天北  
極，朝陽初見海東頭。其傳此是清涼地，爲洗煩心  
盡日留。又一詩云。五雲常覆五臺端，天近清都特  
地寒。洞道千年冰未化，林梢一夜雨初乾。黃河紫  
塞依依見，碧殿朱樓面面看。萬壑千巖青未了，更

從高處望長安，又宿顯通寺云。一榻空齋臥白雲，  
青燈微雨夜初分。無緣十日漸凡骨，有夢三臺繞  
聖君。別院雞催山月吐，迴廊魚咽澗風聞。青山亦  
是人閒世，自覺悠然隔世紛。又竹林寺避雨云。十  
里肩輿石磴深，禪房瀟灑亂峯陰。巖花笑裏饒月  
色，山鳥倦餘懷好音。下界風雷喧眾壑，上方鐘鼓  
出長林。蒼山正有爲霖望，暫憩西來冒雨心。又竹  
林寺擬宿云。未有長歌行路難，青山最愛雨中看。  
圖書暫許淹塵榻，蔬蕨先教具午餐。碧樹洗空千  
澗出，白雲封滿萬松寒。天留再宿清涼地，明日溪  
南十八盤。又清涼石云。炙手薰心事已多，曉涼來  
撫石盤陀不爭可。愛千人坐無事應須百，徧過初  
日射林光。歷亂懶雲將雨溼，巖我夜深或有騎牛  
到。堪和南山扣角歌，魏倫過五臺遇雨云。年年  
逢此日，策馬問民俗。乍見樹頭青，翻疑麥浪綠。一  
犁春雨深，四野報霑足。遙憶山中人，其人天上玉  
又五絕四首。金閣嶺云。山行情不極，復聽遠流聲。  
夜來擁衾坐，僧窗月自明。天城寺云。孤磬發清響，

松聲起亂濤，夢醒聞梵語。愧爾絕塵囂，華嚴寺云  
 鶴影穿谷落，笙聲隔水聽。頓忘塵俗想，直欲識無  
 形。天池寺云：一脈通幽窈，中涵萬象清。細流山下  
 去，莫教野塵紫。邢雲路同塔院寺主人夜話云：  
 海內誰知己，天涯遇上人。憐余僧有髮，共爾幻成  
 身。覺路諸天近，曇雲半偈真。如須婚娶畢，便欲覓  
 山崎。又望海峯云：清秋有客御風來，直上梯空望  
 海臺。白社逢俗談上乘，青山無地著塵埃。蜃蒸溟  
 渤千靈見，鳥出樽桑萬竈開。欲覓慈航何處是，歸  
 依從此渡輪迴。史監五臺詠云：懸崖削壁勢凌  
 虛，中有金仙遁迹居。天近星河常掩映，雲深草木  
 自扶疎。六時花雨含香落，五夜神光帶月舒。絕頂  
 登臨飛鳥外，一聲長嘯海天餘。又中臺擁翠峯云：  
 上方樓閣聳奇觀，金磬泠泠度翠巒。深樹浮嵐晴  
 帶雨，陰崖積雪夏生寒。鼇行吳雁星辰近，雲起氤  
 氲宇宙寬。何處紫簫吹落月，不勝清思繞臺端。  
 江藻過五臺山云：五臺山上霧煙浮，霧散臺分山  
 白幽。前朝寶刹排雲外，盛代珠旛繞殿頭。風雷激

烈龍池夜，草木淒涼雁塞秋。百仞危崖盤屈曲，古  
 今來往幾時休。滕季達中臺云：壁立中臺萬丈  
 峯，半空翠落芙蓉。千年古塔函金象，滿谷寒冰  
 臥玉龍。晴壑倒懸南澗瀑，春雷隱約下方鐘。青鞋  
 久混緇黃迹，瑤草天花處處逢。又望海峯云：翫海  
 峯頭玉樹秋，羽翰遙共白雲留。金鋪宇宙三千界，  
 翠擁蓬萊十二樓。風露淒其生阮嘯，星辰錯落燦  
 吳鉤。雞鳴欲睡博桑日，鐘鼓宵殘尙拍浮。高數  
 仞望臺山云：曾莅五臺邑，遙瞻紫府山。疎鐘寒雨  
 外，野寺暮雲閒。至聖誰能覩，遊人空自還。欲明前  
 後傷，須過上頭關。胡鎮南臺和韻云：淡煙縹緲  
 隔仙臺，混沌鍾靈始鑿開。霜葉半林紅露寺，雨碑  
 一片綠封苔。晴空花雨有時下，樹杪金燈幾度來。  
 感應會開張相國，令人追憶幾徘徊。孫傳庭別  
 山二首其一云：看山殊慰十年盟，隱計猶憐尙未  
 成。到日雲霞如有意，歸時猿鶴豈無情。丹崖翠壁  
 皆留詠，瑤草琪花半識名。此去清涼應笑我，勞勞  
 城市欲何營。又山中雜吟云：盛夏全無暑，風來在



地寒離塵纜幾許天上作何觀人迹真難到奇花  
自在生原皆天女散安得盡知名引水遙通窻裁  
山曲抱牆高樓窺樹遠虛牖納雲長天畔數聲鐘  
聽之清思發獨起步空階但見空山月細路何盤  
折重經碧蘚封鐘鳴知寺近只隔數重松樹起不  
見山雲生不見樹往來翠微中衣溼非關雨空林  
寂無人清言共誰訂流水澗中鳴泠然動我聽一  
片清涼石憑余任意眠歸來倘有意不用買山錢  
又竹林寺憶月川上人云高衲僧間隱竹林應憐  
空翠似禪心一從寂後荒涼甚明月川前自古今  
明藩宗室友松道人南臺云天風吹上妙高臺  
滿眼山光紫氣開鐘破晚煙清落澗履拖春雨亂  
黏書水邊咒鉢龍飛出松底翻經鶴下來一坐清  
涼絕塵事浩歌歸去後徘徊又西臺云西峯寒色  
暮蒼蒼夢入煙霞古澗旁紫府芙蓉山隱隱清涼  
坐愛石方方雲中採得薇偏美花裏流來水自香  
何處鐘聲幽夢破一窗蘿月淡秋光釋覺同北  
臺云北來乘興上崔嵬天外捫蘿鳥徑迴寒谷未

秋先落葉陰崖不雨自生雷低懸銀漢星千點俯  
視滄溟水一杯笑指文殊棲迹處幾經劫火不曾  
灰國朝高士奇扈從清涼山用謝靈運登池上  
樓韻霓旌衛仙躡月馴揚鸞音并參乍捫厯巖竇  
逾深沈尋山異臺向載筆慚沈任綿綿騎出谷淦  
淦雲栖林我后展遐矚乘時此西臨飛輪越幽  
壑駐罕眺崎嶇春冰雜古雪午風迴薄陰枝歧曲  
澗水木末寒號禽幸陪紫府遊側聽清笳吟披圖  
稽往轍覽物諧素心皇情一以眷名區傳自今  
又用謝靈運從斤竹湖越嶺溪行韻象教從西來  
茲山名已顯佛樹根互盤天花露常滋毒龍臥其  
湫紺塔浮於硯升高駭劣崩陟遐信紆緬鐵風干  
尋翔金龍六時轉仰瞻臺衣深近覺髻螺淺霜鐘  
夜鏗磬白雲晝舒卷髣髴赤華林對談人在眠修  
蛇常山伏歸翼雁門展曠懷得所欣遠目詎能辨  
宣遊自多豫頓使物慮遺又用謝靈運從京口北  
回應詔韻山風吹不已山月忽已高飛鳴眾鳥散  
縹緲孤雲超澄煙拂華旗吉日旋春鏡晨炊夾前

騎舊路循單椒靜聽谷口松宛似江門潮濕溪歷  
 湖壑出沒經亭皋七葉青婆羅一夢紅山桃泉因  
 見龍發川以射虎昭宿莽迷平岡選徒乃於苗回  
 顧嶺上村林居等拾巢諧此耕鑿民載路康衢謠  
 朱彝尊駕幸五臺山恭紀三首圖經會識五臺  
 名想見雲從帳殿生節物乍分春恰采登臨最  
 好雪初晴林香紫鵲翻風上月黑金蓮照地明  
 有山靈呼萬歲不徒龍象下方迎花宮高下繞  
 隈鐵鎖層層雁齒階代郡雲山連朔郡北街星斗  
 劃南街干夫試轉清涼石二月如燔泰岱柴望秩  
 百王曾不到天教宸藻首磨崖紫廟仙居岳鎮  
 同削成太古想神功地傳竺法蘭棲處山入勾龍  
 爽畫中曲磴溪流頻度馬晴雲鳥下數歸鴻省方  
 豈為尋河界特採天花壽兩宮飛藏名甘  
 清明日雪云故國清明雨山高作雪飛藏名甘  
 寂遠市脈輕肥謝客雲連社虛窗霧染衣春鴻頻  
 送目飄泊潛忘歸傅山五臺道場云問渡旂檀  
 海招招甚處過子臣癡一絳鐘版頓能磨法許媿

如了疑當抖擻多金乘空萬有何外富樓那五嶽  
 曾筠五臺山云昔人一覽五臺勝謂可不須五嶽  
 遊把詩令我神輒往襜被欲發仍勾留那知山靈  
 有深眷銜命太原償此願見山已自開心顏况  
 復驅車到天半摩霄跨漢何崑龍呼吸直與精靈  
 通疑是媧皇此煉石化作五朵青芙蓉聞說東臺  
 特奇妙拾級先登縱遐眺夜半湧出硃砂丸海外  
 天雞猶未叫山僧復導過西臺舉頭正喜鴻濛開  
 陰晴涼暖變俄頃颯然萬里邊風來遙指南臺高  
 幾許蹈虛躡險如霞舉上方厯厯見星辰下界冥  
 冥自風雨欲往北臺更飄警分明引入水晶窟陰  
 崖高疊萬古冰幽澗長流千歲雪中臺宛在山中  
 央云是文殊舊道場馴虎何曾避行客伏龍猶自  
 依空王飛泉宛轉當檐落注入清池長不涸鏡中  
 大可印禪心惟見一法開潛漠小憇剛逢梵課餘  
 妙香冉冉飄衣裾到此能令眾緣息祇有夙好猶  
 難除攝衣餘勇更一鼓直上蓮花嶺頭坐兩丸日  
 月足底生百道煙霞腰下裹一峯萬狀難具論諸

山環待猶兒孫置身合在最高頂俯瞰一氣渾無  
垠登高倘使心不猛奇勝何由得重嶺從知萬事  
須造巔賴得茲遊發深省場來幸得公務閒閒情  
暫寄水石閒幽吟頗得清淨理退賞實在清涼山  
恰爲王程難久住搖鞭又入紅塵去回看一片出  
山雲不識爲霖向何處知縣陳恭宿臺山僧舍  
云古牆蘿薜滿松關此地應令俗迹刪小礪斷橋  
寒雨水短筇雙屐夕陽山林深樹下僧僧淡門閉  
鐘敲事閒暫傍幽棲塵夢隔白雲留轄未教還  
四隅精嚴法律似蟠際地天殊樵採疑無路風煙  
別有區一乘歸萬象於此覺痴愚又題清涼石寺  
云憑陵千仞上迴合萬峯青雲氣穿窗牖松聲在  
殿庭清涼法不滅炎熱醉初醒日夕投鞭坐東岡  
列錦屏天心高莫測佛力廣無垠不謂方丈石能  
容數百人低徊瞻禮至往復撫摩頻說法如聞見  
老僧自有真又題顯通寺云顯通通顯亦通微法  
乘昭然照日暉古殿雄樓趨物累晨鐘暮鼓動天

機偶來眷屬逢僧話到此清涼久客歸每念不忘  
學校重闡揚吾道敢依違又題塔院寺云忽逢紺  
殿在中膺彷彿行來天可升縹緲雲間無上塔光  
明海宇不傳燈小池亦寓滄桑幻東閣全將岱嶽  
憑暫憩塵氛都滌盡一簾細雨話山僧教論平  
梓和題清涼石寺韻二首六月秋先到一螺寺外  
青松風寒曲檻金篆冷中庭雨罷峯初沐座深暑  
欲醒新茶煎活火香氣透雲屏呪鉢驅龍去安禪  
盪海垠千山皆是道片石也容人停履摩娑久迴  
廊顧盼頻當年蝌蚪字細看幻耶真縣人鄭嶠  
遊臺山歌并序五峯高出雲表登其上者下視城  
郭村莊如蟻穴平看斗樞天漢有遺棄一切洗空  
萬有之概乃四方遊者或炫於神宮梵宇或惑於  
佛光禪燈或駭於清涼石金剛窟之靈異又有庸  
夫俗子假進香之名各行其貨殖之術是雖終日  
遊臺吾直以爲未嘗遊也當自白雲寺南直上南  
臺延連諸峯踏頂而來大觀備矣下入臺懷不過  
一覽可了若先到臺懷遙巡濡滯遊其所遊非吾

所謂遊矣神京西望五臺山紫府巍巍碧漢開欲  
 禮文殊何路入杖藜先出龍泉關出關直上長城  
 嶺嶺半馬跑泉窟冷宋將還留挂甲松蒼鱗絕巖  
 蟠虬影過嶺一寺名湧泉萬松蒼翳藹雲壘從茲  
 初入清涼境數里還經射虎川赫赫天威此射虎  
 山開樵牧皆歡舞勅營寶刹臺麓名路旁有泉號  
 神武行來石背徑北迴普濟禪堂茶一杯還從海  
 會庵前過白雲寺畔上南臺問到西行千佛洞洞  
 邊隱隱金燈動仙花之山是此臺花開錦繡香風  
 弄此臺三十七里高到此遊人莫憚勞南去古南  
 臺不遠北看金閣湧松濤下臺欲問清涼石歡喜  
 旃檀取徑窄盤迴密樹見幽居一石方方大如席  
 云是曼殊說法床人容五百非荒唐巖下有橋兼  
 有閣禪居處處名清涼崎嶇欲覓中臺路獅子窩  
 中獅子住穿林陟磴上中臺中有浮圖滴甘露西  
 北隅有太華池臨池照人魂欲馳西南隅有祈光  
 塔祈得毫光五色奇五色凝臺名拂翠胎結中央  
 支分四正脈中抽靈

池側梵宮開鐵佛五百俱自來西去西臺十五里  
 牛心石畔漫徘徊積土天成名挂月洗鉢池邊塵  
 慮歇更間有客煮泥餐異事千年常不沒八功德  
 水是精藍二聖坐石曾對談更訝獅子遺蹤在說  
 與遊人著意探秘魔之巖在峩嶸此地遙看畫一  
 輻斷壑層崖最險奇木父和尚會棲宿北望北臺  
 勢更崇途經澡浴水融融萬年冰在陰巖下欲躋  
 高臺又怯風不信炎天風尚怯風來墜人如墜葉  
 峯名叶斗果不虛生陷獄深不可涉雪花飛散黑  
 龍潭潭畔陰森冷不堪遠望長城連大漠低看雁  
 塞覆晴嵐此去東臺三十里華巖嶺上僧施水飲  
 餘迤邐上東臺笠子塔前歇行李此臺名為望海  
 峯五更遙見水溶溶巖下那羅古洞在洞中傳說  
 有神龍下路直抵龍蟠樹平章寺前生煙霧松風  
 吼處是碧山巍峩古剎高僧聚傍山斜入五郎溝  
 白水池中水自流金剛窟子深無際石門常閉少  
 人遊紫霞谷去向西北谷內有庵名妙德樹密山  
 深宿客稀信是修真人憩息回尋舊路循水涯五

峯厯徧到臺懷菩薩頂在雲霄裏琉璃爲瓦玉爲階廣宗圓照在階下顯通銅殿眞精舍大塔院在顯通前塔上奇珍能照夜左邊山脚是羅喉文殊眞像在山頭寺前斜入鳳林谷日光西照好藏修山勢西來迴北拱梵仙山向鷲峯聳大螺頂是舊青峯脈發東臺半空擁紫府護國共碑樓樓賢之谷出清流觀音洞裏甘泉滴大社小社人棲留渡水西尋楊相峪九龍岡下人絡繹化竹林在獅嶺根車溝日照一山隔回頭恰轉交口南道東新建萬緣庵飛泉西下眞瀑布寺名鎮海就中含海螺城在此山後路僻巖幽人罕觀雷音寺與明月池沐浴堂東次第走黑巖洞外清河沈護眾庵中聽鳥鳴隔嶺還有娑羅樹萬古千秋永擅名至茲搜盡靈山奧秘魔巖遠須親到如能親到秘魔巖別有乾坤頻嘯傲此歌是隨五頂行愿徧諸天返帝京假若先入臺懷去白雲寺北同山名張暄東臺云東臺高聳俯層巒笑問閻浮何處寬日月雙丸空冥轉乾坤萬古太虛安學宗溟渤霞千點

道證華巖翠一團好待蒼生霖雨後那羅洞裏作龍蟠又西臺云西峯已半入穹蒼紺宇全臨四界傍冰鑑晶瑩懸北斗金獅騰踏聳西方煙雲過眼多奇變紅綠漫山有異香烟爍更逢千嶂上飛來飛去亂燈光楊暉登東臺云到來老眼一時空飄渺奇觀入望中銀海波浮元氣外金蓮花徧碧山東風吹六月衣裳冷雲靜千峯呼吸通人世炎殊不覺青蔥巖岫意何窮徐天敘五峯奇勝云屈指奇峯數清涼絕點埃萬年冰似玉九夏雪如梅泉水山頭出燈花雨裏開秀靈推第一彷彿是蓬萊徐敬儒東臺望海峯云滔滔江漢盡朝東向若登峯倚碧空蓬鳥詎分高下勢蜃樓不在有無申數痕紫氣難爲障一綫清光自可通綵結雲霞扶日出六鼇背上曉天紅成親王恭和御製遊金剛窟普樂院諸勝境元韻志載名勝多羣峯包衆壑坡陀相連延石壁乍戍削東臺樓觀谷暖住陽春脚金剛窟西門有院曰普樂考之祇洹圖銀書此樓託棲伽所造修迦

葉何執著臣如按圖驥權奇想崖畧惟憑有聲畫  
 摹描拈毫作英和恭和元韻芝蓋度遙峯攬勝  
 徧巖壑山客秀疑澆石貌險類削嵌空漏日光  
 呀接雲脚境幽瑤草芳林寂鳥聲樂葺宇緬竺  
 挂錫此棲託真如會一源風幡無雨著我朝崇  
 教綬遠乘廟畧贈禮肅羣藩繼序符聖作趙  
 秉冲恭和元韻云芝蓋黛螺旋精藍探雲壑坡  
 轉城遲峯形露戍削六如此版心棲真息行脚  
 認虎溪橋古德演極樂入門問著提慧業昔誰  
 文殊無一言天花何處著四門與八關淺識何  
 畧欲參真實諱詩偈聖有作楊蔭源駕幸  
 五臺恭擬相梁體詩用五歌全韻惟皇建極神  
 和延釐錫羨福孔多巍魏蕩蕩道無頗絃埏豈  
 濡恩波大規地萬陰陽摩幾康懋勅祛煩苛文  
 覃毓敷菁莪武功全歲業天戈調御六幕遠自  
 庶懷民隱讓衆瘼省方問俗瞻靈阿觀民設教  
 彌迓五臺之山詩哉式循舊制臨岌岌時巡法  
 祖與則那靈長協撰時無訛鑿與肇啓青郊過

清蹕傳警蕭騶訶鈞陳羽衛森駢羅八神奔扈相  
 透迤魚鱗七莘土番番干將秉威霜埏磨隱麟天  
 仗排鸛鵝星旄電燭風婆娑鸞旗翠蓋紛嬋娟干  
 乘萬騎馳駉驪遵遠延覽詢槃邁問闕輯睦弭讒  
 圃農疇東作毋蹉跎甘露渥澤養麥禾春耕破曉  
 驅犍犍萃華遊豫諺云何勤稼施惠洵非訛橋山  
 西望橫雲蘿萬靈擁護羣噓呵珠印法物勤摩挾  
 明德馨香陳象獻精儲辟蠻弗爽送羹牆俊愷通  
 頃俄猗與大禮於委佗天駟載駕飛龍駝四賢祠  
 宇臨盤渦相巖水竇連制軻我時長城何磊砢策  
 馬穩步紫駟馱踰崖三箭翻飛蒼川環射虎鳴洞  
 澗我朝神武殊常科粵考五頂環黛螺羣峯矗紫  
 凌岷嶂錦繡南繞煙花搓栲栳西時懸素娥東眺  
 渤解涉蓬哥北掖魁杓擎天梭一峯中踞蟠蒼鼉  
 三溪左注瀦清河功德潤下作鹹饒甘露白水滌  
 茶鍋金沙釀液除百痾般若卓錫漩漪灑松杉蒼  
 蔚輕藍接杪樞七出葉有難石磴殷跚檜樾健菩  
 薩薈藍纏木蛾鉢囊日菊雜叢莎金葉币地鋪圓

荷蕖莫莫纒纒垂乳苑天花采采盈筐籊文殊道妙  
相縷觀清涼化宇傳聖慶五髻翠縮三縷挖神銜  
閃爍照么磨金橋銀道燦瑤瑤狡猊越猛騰駿羸  
靈蹟顯瑞彰搭婆列聖崇建開秘魔璇題丹篆  
鑄隸蝌變輅況值策杖邁奎光宸翰留巖壙思膏  
疊沛流滂沱勤政觀吏旌羔純行宮錫宴飭醕醢  
朝儀容與腰青緇觀文問武動曉珂多士濟濟紛  
交劇錫租渥澤速被蓑豐多屢卜喧連枷康衢擊  
壤叟皤皤轅僮嬉語聲颺颺昇平言戲陳飛壻歡  
躡舞蹈紛僂僂人天普慶治酥醅蕃釐禔福鞅跌  
跋聲致暨訖踰荆南交西味東邸後梯航納費  
包緝綱重譯萬里通囉囉回鑾屬車載脂輻青旌  
芝蓋瓊苑筵龍泉關指踰雕窠淳沱南匯如榮荷  
湍流活潑浴駕舸吞瀉瀉暖跳鱗鮓曠曠旭日騰  
金鑾京畿千里延清暇暉旋禮藏契稜伽鳴盛揚  
休集鑾坡槐廳日午蔭喬柯玉堂甄影鳴鳥鞞羣  
叨聖化爭磨礪虞廷拜手贊帝歌案臺山詩  
文富不勝收茲惟錄名試賦一首其記二首以

晉人所作附存之詩則備錄舊志而益以嘉慶中  
扈從迎獻之作

縣治附近諸山

在縣治附近十  
餘里之內者

慮虎山在縣治西北十五里王村之西土名蘆虎山  
蘆虎疑係慮虎二字之譌蓋土人不識慮虎二字之  
音以近似訛爲蘆虎猶元魏之訛慮虎爲驢夷耳

狀如伏虎山麓小王村出泉曰伏虎泉卽慮虎河發  
源之地秦漢初置慮虎縣因此山此河而命名故五  
臺山爲今縣之權輿而慮虎山爲舊縣之權輿也

新補

案一統志慮虎山在五臺縣西北十五里下有伏  
虎泉舊志不知慮虎係山名於慮虎河發源之處

稱為小王村山又別列蘆虎山而日狀如伏虎均屬舛誤今依一統志改正之

峯山在縣治西北二里許山形圓突西南兩小巒相屬如珠為縣城落脈之山縣治附近有五山亦有小五臺之稱以峯山為小中臺修舊志

**注**中州集有姚孝錫九日題峯山詩不須歌吹上叢臺千里晴

川入座來世事難憑休挂口生涯見在且銜杯無情趁暖花先老有信迎寒雁已回遙想故園親種菊霜枝露及用峯山舊韻二首信步西風寺窮幽未覺賒松根纏石瘦雲磴出巖斜思爽三唱詩成自一家空餘幾兩屐不踏波溪送水上隄沙春晴散望賒衰

年花近眼久客夢還家映日孤鴻沒迎風雙燕斜平生江海意早晚送浮槎

天蓬山在縣治東十五里東寨村之東東山一帶接脊蜿蜒一峯獨高上有八蜡廟人稱為小東臺修舊志

南神壩在縣治南八里兩澗村之前小山圓突特起上有漢文帝祠相傳文帝王代時遊獵至此廟後有

古松數株蟠屈如虬龍人稱為小南臺修舊志

**注**魏書地形志有代王神祠即此宋進士孫儼有

修祠記邑之南十里有山層巒聳峙喬松茂翳上

史傳帝高祖申子破陳豨軍定代地立帝為代王呂后臨朝諸呂專恣大臣平勃慮危劉氏以帝賢



聖仁孝聞於天下，乃迎以奉社稷，帝謙遜退避，恭儉節用，夙夜憂勤，罔敢逸豫，至於惜十家之產，而罷露臺，悲緹縈，以除肉刑，勸農桑，以捐田租，憫老幼而賜粟帛，仁施德布，雖充溢宇宙，而其潛德發，羅蓋自代始，邑代地，民祀以祠，宜矣。然邑地石焦瘠，薄旱則易乾，水則易毀，災則遽饑，惰則失業，今闔境之民，家務和協，人尚謙謹，蓄害不作，豐稔屢臻，豈非帝之孝道，儉德芳烈，未泯事有不便，輒以利民，猶常不忘於今耶？不然，何安康富壽之如此也？鄉人具祭祀，忠不能有報，虔者於是復新廟宇，以祀之。

紫羅山在縣治西南八里，觀上村後。

村以明陽觀得名，金道士姬志

元所創也，元俗稱臺神壙，因上有駱臺神廟也。駱讀遠山有碑記，俗稱臺神壙，因上有駱臺神廟也。駱讀俗以駱臺為參神，故晉地祀之，然參神乃實沈，主大夏，駱臺自是汾水之神。左氏傳言之甚明，巒頭

高聳，廟踞其側，望之如小城，蒼松翠柏蔚然成蔭，為

近城遊眺最佳之地，人稱為小西臺。

修舊志

**滙案**是神祠近西村，歲時祀事皆西村人主之，元

遺山明陽觀記，古碑原文，椎搗閒涉模糊，茲參舊

志附錄。

記曰：臺州西南八里，紫羅山之麓，有保聚

廢之久矣，欲修復之而未暇，全真師姬志元先住遼沁，亦嘗留宿於此，父老愛其道行清實，有尸而祝之，義乃築環堵而居之，三四年徒從之者益多，思所復立壇宇，嚴規制，設興遊居寢飯之所，斧斤埏埴，率其人目親之，前後十五年為殿者二，曰三清，曰通明，為堂者四，曰三官，曰四聖，曰秘籙，曰靈官，門檻齋廚以次，而其請於燕京長春宮，得額曰明陽，此觀事之大凡也。臺州長茹君以贊其事。

五臺新志卷二  
五  
翊而成之。甲辰春，史館從事李君昂適攜姬之徒。王志寬過，余讀書山，爲予言曰：子吾桑梓，練師吾方外友也。明陽又吾杖履之所朝夕者也。姬知吾辱與子遊，欲得子之文以記其經度。子甯有意乎？予不敢辭，乃爲記之。顧盼檀施，四方來集，土木成金碧之富，鐘鼓狀雲山之氣。蓋未巧以歲月記圭於黃老之教，久徒知有之，求所以尊師重道如供佛然者，則無有其人也。兵劫之後，此風故在，獨鍊師一出，州之人翕然歸之。雖穉子輩亦爲起信而起敬，古所謂存乎其人，乃今見之。夫物蔽於物，曲屈則有不能通者，此二家之所以更爲盛衰耶？吾於此有感焉。三綱五常之在，猶衣食之不可一日廢。今十室之邑，豈無一人倫之數也者？至於挾兔園策，援童子學者，乃無一人焉。寒不必衣，飢不必食，痛乎風俗之移人也。嗚乎！二家之盛衰又何足記耶？姬高平人，邱公嘗號爲崇道大師。洞明子

青山在縣治西北十五里，一峯高插霄漢，北眺五臺。

參差雲表，南瞰滹沱，蜿蜒一帶，縣治附近之山更無高於此者。山頂有青山聖母廟，松林茂密，蒼翠在眼。人稱爲小北臺。修舊志

黃圍山，俗名圍囃山，在縣治西南二十里，一峯聳峙，每雲冒其上，卽雨，最驗。舊志

玉皇壩，在縣治北三里，上有玉皇廟。舊志

龍泉山，在縣治北五里，山下有泉。舊志

寶髻山，在縣治南十里，有香爐峯，眞潛洞，避雨巖，出

碧陽破老松一株，下有石碁盤，傳爲仙人對弈處。舊志

抓髻山在縣治南十五里兩峯如了髻舊志

鳳嶺山在縣治南十五里東西兩山相接低昂起伏

如鳳鸞盤翥之形舊志

莎泉山在縣治東南十五里有莎泉寺舊志

閣嶺山在縣治東北一十里爲通京師大路山凹建

閣下爲門每雲起穿門而過望之如湧絮故舊志以

閣道穿雲爲八景之一改舊志

**注**舊志教諭王大輅有閣嶺詩一閣嘗蒼峽連峯鎖白雲東南憑此

寄霜雪邑人張紳有閣道穿雲詩翠巖倚碧落高閣曉含雲映日

龍鱗動因風鳳翼分奇峯疑楚岫觸石亂湘裙莫愆爲霖意蒼生望已殷

**補**玉帶山在走馬嶺西山腰色石橫亘如帶採訪冊

東路諸山先敘東北後敘東南

天和山土人稱天貨山因產石炭爲天生之寶貨也

在縣治東北四十里茹村之東南兩崖夾峙爲深溝

東曰東天和西曰西天和爲縣境東北產石炭之地

有炭窰數十處凡縣城池東池北所用之石炭皆取

給於此農民生計之所資也山有龍洞出泉又出磁

甕磁盆磁碗及一切砂器販行甚遠改舊志以下東北以

石盆山與天和山相連在東天和村之東距縣治五十里兩山夾峙峭削如壁中開成狹巷闊不及二十步東行里許乃出口從口外側轉西上攀蘿躡石約百餘步有石盆洞殿宇三楹翠柏成陰相傳文殊師利初來震旦居此洞中後乃現化於五臺山之南臺洞幽深秉炬入行二里許截然中斷架二木以渡至此風水聲甚急人無敢渡者出石盆口北行則上峪通京師之大路也南行則下峪新補磨天砦一名堯山砦土名南堂砦又名七角砦在縣治東北九十

里上峪清水河之東岸上耿家莊之側三面斗絕高入雲表頂有平土數百畝可容馳射有洞屋可棲止後有鳥道一綫盤折而上二十餘里乃至其頂順治六年爲土寇所據宣府總兵李延壽築長圍攻之數月不能下頂舊有池足供數千人之飲至是水忽涸賊窘甚砦前面近臨清水河賊以長繩縋袋裝麻絮蘸水漉而飲之延壽於上遊開渠引河而西河不附砦賊不得水遂潰延壽募死士夜攻之賊悉墜崖死

詔平毀其房屋

新補

五臺新志卷二  
三臺山在上峪松巖口村後與摩天岩隔清水河東  
西斜對巋然高大氣象端嚴山前平土坦闊水田縱  
橫不似迤南之局狹新補

橫嶺在上峪高洪口之北距縣治百五里上峪兩山  
夾爲一溝南北通長百餘里獨至此橫互一嶺如戶  
之闕清水河流於嶺南溝中嶺上下皆二里許上有  
村卽名橫嶺新補

石觜山在橫嶺東北距縣治一百二十五里山形如  
覆釜頂有數松山下有市井名石觜爲

鑿輅西巡必由之路新補

窮虎川山在石觜山北五里峭壁嶄然東西橫互康  
熙二十二年

聖祖西巡五臺經此山下忽有虎躍出蹕路旁

聖祖親御繁弱壹發殪之臣民歡呼稱萬歲撫臣穆  
爾賽請錫山名詔名曰射虎川磨崖鐫三字於

石壁上新補

**田**舊志臺麓寺在東臺之東射虎川上有巡撫穆

爾賽射虎川碑記

皇帝御極二十二年載春二  
月西巡五臺爲太皇太后

所景福也至德馨香正符丕洽畢事而旋由菩薩  
頂遵長城嶺西千乘萬騎雷鞠雲奔道旁林莽蔚  
蔚有虎伏其間駭而躍眾莫敢禦皇帝親挽  
繁弱壹發而殪之於時巡撫山西臣穆爾賽等奏  
曰是虎也為居民行旅患久矣幸遇天子車  
駕莅止斃斯獸以安厥土應錫嘉名以垂永久數  
懇至再 詔從所請名曰射虎川臣穆爾賽等  
敢拜手稽首而志之曰猗與休哉天道春生而秋  
殺君道德綏而刑威敷惠固以澤羣生除暴亦以  
安良善彼悖逆方命之徒猶虎也惟 皇帝以  
道德仁義為弘以師武臣力為矢十年之內滇黔  
隴蜀以迄閩粵海島蛇豕鯨鯢罔弗殄滅用是入  
荒安如萬國貢賚黎首又安鳥獸咸若夫鏹民虐  
以惠保元元湛恩汪濊靡有涯際豈直被茲一方  
已乎昔唐太宗巡幸武德射斃猛虎臣以為美談  
炳耀千古又奚 又有邑人閻襄碑記臣聞聖存要  
唐太宗之足云

帝造熙風尊親為大蓋王者覃化恃源以通而孝  
子為心無微不至溫清允慰猶祝高厚而祀山川  
仁愛斯流實本至親以及民物恭惟 皇上孝  
純於性聖縱諸天繼統守文更備開天之武生知  
錫極猶勤學古之功承萬年有道之基創奕葉章  
程於不朽剪累世難除之寇借 祖宗智勇以  
同昭指西蜀之戈山屠封豕揮東閩之劍海繫長  
鯨弓矢微張機槍北盡廟謀遙授萌蘗南消載瞻  
帶礪之河山盡是清宵之天地於是賑荒發帑賜  
酺獨租四海云遙人無不徧三關伊近臣覩其詳  
始年獨租之半繼年獨租之全沛春霖於寒谷時  
為 皇上之恩時為 聖母之賜覆解澤於  
荒郊讀漢帝賜賦之書歷今二千餘年汗青再美  
邁姬祖行仁之政卜世八百餘載龜灼猶遙於是  
膏浹九垓功垂八極聖不自有原嘉誨於慈幃業  
述由來播徽稱於薄海凡六合昇平之慶皆一人  
孝治之隆恭惟 太皇太后淑惠篤生芳媿如  
任之盛仁慈覃沛勳齊堯舜之隆聚神聖於一家

式倫常於萬國惟  
載其奚殊惟  
寢門儀曲靡事弗周  
山之祀用求嵩祝之徵  
萬騎繫馬山前扈從千官  
溪入雲陂踰冰湖高巖朱羽  
嶺白雲橫變陰晴於上下  
徘徊逕別低昂旌旒蜿蜒而  
魁扶仰峭壁以千尋俯絕冥  
出浮屠泉引林根斜通精舍  
豹之號日色朝開閃爍渡  
蓮座祝箕翼於椒闈歷五頂  
至龍章丹篆輝煌日月之文  
之璧履清涼之石而望九州  
清涼立錦繡之峯而瞻六合  
錦繡凡彼白鳥青獅之迹皆  
意石橋流水之閒亦有星旆

太皇太后鞠育之愛即覆

皇孝養之誠雖舜文何多讓

親幸五臺時維二月羽林

旌天際歷石磴渡松

拂牛斗於東西半

荒蘿蚓結怪石

鐘聲暮動嚼眩亂虎

惟孝思之不

告拂琉璃之

金書刻畫煙雲

物阜敷天共樂

珠旗宛轉龍蛇

岑巖鞠躬而下俯百

出谷凌空碧嶂

溫風出谷凌空碧嶂

伏斑文之虎伊猛獸

皇上於是弓挽鳥號

魂驚軼才之獸已除

豈復慮夫豺狼夜

還漢祖之鋒

莫何幸巖花野鳥齊歡遂谷久塵埋更見遠岫遙  
岑煥彩茲皆九重之大孝斯紫府親日角之光非  
同入駿之遠遊使崑崙接雲車之駕祀事既畢天  
語言旋玉轡從容鸞鳳迴翔崖畔珠旗宛轉龍蛇  
上出松梢溪流警道以前驅岑巖鞠躬而下俯百  
靈獻瑞萬物觀光祥雪迎鞭溫風出谷凌空碧嶂  
昭回紛鬱之雲蔓草青溪俯伏斑文之虎伊猛獸  
之率服聿至德之咸孚皇上於是弓挽鳥號  
矢援肅慎一發而中兩洞其得山中萬嶽之聲雷  
轟崖裂馬上千軍之色汗浹魂驚軼才之獸已除  
又何有於狡狴巨虞之膽皆破豈復慮夫豺狼夜  
過新洲欲笑宋君之射醉歸芒碭還漢祖之鋒  
彼小勇之爲誇豈聖武之能測是惟我皇上  
格天純孝勇出於仁振古奇功威生於義是以孚  
誠攸屆天弧矢宿呈靈銘德惟遙后土山祇紀績  
臣身居僻地目覩光天堯舜以孝弟爲先乃親闕  
人閒堯舜詩書載聖神之勇洵足馨萬古詩書闕  
雲毫稚蒸民皆從補助而生懼觀誠求之父母海

隅剛柔風土不遺覆疇之內同歸仁孝於庭闈南山齊日月之貞願聖壽與臺峯並永東嶺望汪洋如見祝皇圖借海若俱長臣以臺人應紀聖德恭疏徽蹟永勒名山

長城嶺五臺極東北境距縣治一百五十里跨山爲石垣關門在山坳從南面往迤邐而上者五里越關門而北卽直隸阜平縣界盤折而下者十二里乃入山溝平地又行八里卽直隸之龍泉關爲通京師大路

鑿輅西巡必取道於此關門雖歸直隸轄而實爲三晉全省東北要隘不止爲五臺鎖鑰也新補以

**注**西巡盛典嘉慶十六年督臣溫承惠於嶺上建座落有御製策馬度長城嶺詩侍郎英和趙秉

沖成書左庶子黃鉞並和元韻英和云駕騶除葶朝啓行遙瞻疊嶂

雄巖疆六飛親馭度峻坂干霄雉堞開天閭前驅雁行出樹杪後騎魚貫停石梁千盤百轉陟磴道俯瞰萬壑風煙蒼山巔攝轡展宸眺晨霞滉漾穿林光共命交響近初地旃檀送馥來西方晉民望幸後聖躅心殷瞻就榮衷腸參墟初歷輿情愜有如葵藿傾朝陽省方觀民典至鉅重叟歡逐紛山岡重以祈福禮名利浮屠聳峙標清涼慈雲普蔭大千界蠲租減賦恩汪洋橐筆叨陪侍從未願賡糾纒歌樂康黃鉞云春晴雁塞歸雁行峻嶺絲互燕晉疆蝶旋綫路裊雲際欲隨歸雁窺天閭長城巖業界嶺表跨空越險仙人梁不知去地幾千尺但覺舉手摩青蒼山祇清晨蹕蹻路羲馭緩轡



五臺新志卷二  
三  
暇朝光、溪桃村杏競迎輦，不用達路宣合方。天爲一笑發天語，萬想不入詩人腸。青柯怯儒陋，韓愈却嫌局縮啗。王陽森然五巒俊，在眼立馬萬勿凌。高岡鶯花世界正，三月極樂國裏元清涼。微臣奉勅爲寫照，對山吮筆同望洋。猥蒙天題祇自愧，拙哉技不如長康。原注：時奉勅畫長城春晴攬勝卷子蒙恩。又湧泉在嶺西二里盧家莊之東，相傳爲文殊盥掌之地，有湧泉寺。

**補**馬頭山在縣治東南六十里，瑤芝村南頂有雲氣旋繞，不日而雨，又呼爲雨靈山。

**補**鐵勒山在縣東北四十里，臺西南六十里，見通志，案通志又有黃石山，石版山，硃砂崖，皆不詳方向里數。

**補**寫字崖在縣治東一百四十里，崖石如壁，上有生成墨迹多篆隸，間有數字連接成語者，其散亂之字無小大，隨舉片石皆是，開之亦然。

煖泉山在縣治東南四十里，有煖泉水，福田寺舊志以南

下東南  
仙人山在縣治東南五十里，石崖上有仙人坐迹，山腹有手迹，山下有足迹，皆西向。舊志

**補**寰宇記名仙人崖，原文云：石崖上有人坐迹，山腹石上有手迹，山下石上有雙腳迹，皆西向立。

鐵拐山在縣治東南五十里削壁千仞山半插二鐵  
拐相傳爲仙人所遺舊志

烏牛山在縣治東南八十里石厂峭削洞有水泉風  
景極清舊志

紗帽山在縣治南山形如紗帽舊志

蠍虎山在縣治東南七十里下峪孫家莊村後形似

蠍虎舊志

白羊山在縣治東南九十餘里東峪村之東丹嶂萬  
仞自下望之有白羊奔躍狀山下出泉爲東峪河發

源之地修舊志

魚洞山在縣治東南七十里山腳有石窟泉出其中  
每歲清明前三日窟中羣魚躍出多時填窟而出有  
擠破腸肚者水爲不流魚長不及尺骨多肉少食之  
得不償勞過此三日則終年不見片鱗舊志入景中  
有石窟躍魚洵奇迹也土人以此卜歲之凶豐魚多  
則歉魚少則豐近年窟爲山水所淤雖泉未絕而無  
復躍魚之奇矣新補

注舊志邑人張紳有石窟躍魚詩凌空絕鳥迹覆  
地例儀疊不許

鷹鷓渡誰知鯨鯉來，沖風疑破壁，激水自生雷。碣石西千里，龍門尙暴鯉。

曹家砦在下峪極西南，與定襄連界，距縣治七十餘里。岫嶙拔起，四面石壁，上可容數千百人，僅通鳥道。滹沱水繞其下，順治六年爲土寇高山所據，總兵李延壽以大兵攻之，山乃歸命。新補

黑山在下峪極東南，黑山坪之東，距縣治九十里，與直隸平山縣連界，西面山路紆盤，猶不甚峻，東面斗甚，盤折而下，行五里，乃入平地，路在崖邊，下臨絕澗，險仄可畏，山頂有闕，歸直隸平山縣轄，爲客商販布

往來要道，與東北之長城嶺均爲臺境咽喉。改舊志

### 南路諸山

柏嶺山在縣治南二十五里。舊志

突兀山在縣治南四十里，狀如筆頭，上建老子祠。舊志

黃石山在縣治南有瀑布，水下數仞。舊志

五洞山俗名窰頭，在縣治南四十里，山連岡阜，周回百餘里，爲合縣產石炭最多之地，村名有九炭窰百十餘處，從縣城一帶往，取道於塔子村等處，從南路往，取道於大樸村柳溝十八盤石窟等處，炭分上下

山上山山高路遠而炭肥，下山窰在山脚路近而炭瘠。本地及崞縣之桐川各村所用皆上山炭，下山之炭行於忻州定襄一帶，所產之炭多於天和山數倍。每一窰空竭，則封閉其口，隔數十年炭且復生。農民畜驢者除耕穫一兩旬外，終歲以馱炭爲業。天哀山谷之窮民，而寶藏興焉，豈偶然哉。又產石硫磺，粗磁甗，益白磁盤，砂鍋，砂盆，砂壺，與天和山同。

改舊志

新補

紅山在縣治西南二十餘里，望景岡之右，形如迴首之牛，爲滹沱北岸諸村落脈之山。

鼓山在縣治西南二十五里，滹沱北岸槐陰村後山。

頂石盤形如鼓。

新補

段畝山又名文山，在縣治西南三十五里，滹沱南岸建安村之南山，極高大，迤東橫嶺側峯，毘連下峪諸山，產硯石，有青紫綠三色，紫者爲多，質粗而受墨，價廉而工省。凡附近各省市井蒙館所用之麤硯及大硯，皆此山之石也。

改舊志

東潭山在段畝山之北，里許平地突出小山，與段畝不連，山凹有村曰東建安，山下有潭。

新補

西潭山俗稱潭背在段畝山之北三里許與東潭山東西斜對圓突如塚逼入滹沱土人稱為辟水珠無此山則滹沱直侵段畝南岸無村落矣山下出泉成潭山坡有村曰潭上有古刹曰臥佛寺新補

簡子山在段畝山之東數里張家莊之東山趾與段畝山相連俗傳趙簡子嘗行獵於此山不甚高產拳柏藥名見本草饑歲人採之雜糠秕屑麩而食改舊志

峽山在段畝山之東二十里神嶺峽子灣兩村之東距縣治五十里南北山勢合杳中開一罅峭壁如削

高插天半滹沱河流出其間水漲時山根無路人畜不能行於北岸山腳鑿石窟以通之石窟凡兩段一長十餘步一長三四十步為南路赴平山販布必由之路由此而東則入下峪過黑山關即平山界矣新補

筆架山在段畝山西里許與段畝相連三峯凸出形如筆架皆不甚高蓋段畝之麓也改舊志

腰成山在筆架山之西山趾相連偏西山凹有土城形如腰子蓋昔人避寇之地不知何代所築新補

西路諸山

月挂山在縣治西山上一孔玲瓏如月舊志

西巖嶺在縣治西六十里白崖村之北與東巖嶺共

一山脊盤折而上高五里山半有泉僅供行人掬飲

逾嶺卽宗海溝爲通代州之路舊志

黃金山在縣西五十里上下金山村之南小山巋然

特起砂石中有金星改舊志

小嶺在縣治西六十里上金山村之西桑家掌之西

北俗名金山莊子上山形如馬鞍嶺道直上望之如帶逾嶺

卽崞縣界新補

小石門在縣治西南二十五里北大溪村對過兩石

崖壁立如門內皆耕種之坡地新補

磨子山在小石門之南二里許北大溪村對過小山

圓突下有泉新補

堯元山在泉巖村西奇峯層出上有龍王廟係

附近諸村及崞邑桐川禱雨之處採訪冊

北路諸山

慕姑嶺在縣治東北二十二里蘇子坡村北土山凹

也有路通五臺山新補

山西通志蘇子坡有宋蘇文忠公祠

虎陽嶺在慕姑嶺之東距縣治三十五里石磴盤折

高三里許山凹有大剎殿閣宏麗嶺東迤邐而下高

五里

改舊志

二仙山在縣治東北四十里虎陽嶺之稍北巖間二

石遠望如人一坐一立山左半里一石笏如烏直立

石色蒼紫爲紅崖迤東爲太師壙

據一統志改舊志

獨龍山一名太師壙在縣治東北四十里虎陽嶺之

東北山下出泉甚多卽虎陽河之源也

據一統志改舊志

**注**獨龍山下爲龍池莊見通志太師壙舊有太師

廟今圯卽其地建塔焉下爲龍灣非一山也

東明山在縣治東北五十餘里虎陽嶺東南東峽村

之南山腰一孔圓如月與縣治西月挂山相望山下

卽峽口

改舊志

漢嶺俗名竇村嶺在虎陽嶺西北三十五里龍王堂

村之北南面迤邐而上不覺其高北面盤折而下高

五里至趾卽大小竇村通五臺山之大路也

新補

**注**案三十五里當作六里

錦屏山在縣治北二十五里石壁層巒巖花嶺樹色若錦屏

舊志

黛石嶺在縣治北三十餘里東雷村之北山凹有大

廟極閎整青松蔚然過嶺卽黛石村入竇村川

新補

九女山在縣治北四十里有九仙巖碧霞元君祠

舊志

象山在縣北五十里青松數百下有梵刹名蘭若

舊志

東峩嶺在縣治北九十里竇村川大小柏鋪北過嶺

卽繁峙界爲通代州之路與西峩嶺一山相連

改舊志

皮箱崖在縣治北百餘里崖上硃書十六字天然生

成人莫能識崖腹懸一皮箱躋攀無路不能取也

舊志

審戶崖在縣治北百餘里崖半石徑一綫裁可容足

行者捫崖魚貫狀若審度門戶然

舊志

金閣嶺在縣治北九十里爲入五臺山門戶嶺有大

刹曰金閣寺松柏成林

新補

蓮花山在縣治北一百餘里五臺山中臺之南古竹

林寺之後山也層巒靄翠一帶蒼松樓閣隱現於其

閒風景最勝

改舊志

**補**石槽山在縣治東北三十五里小賢毛家村後



洞壑幽深南北兩山一青一赤蜿蜒而來至是交會其中突起一峯圓如寶珠土人於其上建龍祠

採訪冊

**補** 峩孟山在縣治北四十五里裴家岡後山形左右環列如扉迤東尤奧曲入峽里許巖際有飛泉泠泠作琴筑響名小峩孟泉

採訪冊

五臺以山爲境志山要矣舊志山川一門最爲雜亂無章輕重失敘除五臺山外其敘次各山有載方向者有不載方向者有詳里數者有不詳里數

者卽其方向里數亦多舛誤而忽東忽西忽南忽北隨意顛倒絕無次序且其所載不過風景奇蹟亦甚草草至若長城嶺黑山爲南北兩門戶天和五洞產石炭爲合縣生計之所資摩天曹家兩砦天生奇險曾爲土寇所據皆縣境有關係之山而舊志率畧不詳又篤近遺遠於近城諸山雖小必載稍遠則概從缺畧蓋初修志時沿襲前明舊志而未加釐訂也今遵一統志之例敘五臺山於前以附近縣治數里至十數里諸山爲中以上下略

爲東路縣治以南抵滹沱河兩岸爲南路縣治以西至野馬溝一帶爲西路土人稱爲北溝縣治以北抵金閣嶺爲北路且於每一山下敘明在某山某嶺某村之前後左右其未詳者缺之舊志所遺漏者悉爲補之庶眉目分曉覽者不至攢眉拋卷耳

志水

清水河源出縣治東北一百六十里五臺山東臺毘連之華嚴嶺東南行繞長城嶺背後轉而西至石嘴對過之南屏村轉而南行上峪山溝中至河口村慮

虎河合慮陽河北來會之又南行至石盆口入下峪山溝至河門村東峪河會之入於滹沱自北而南行二百數十里爲合縣東境諸水之綱領土人稱爲峪河改舊志

**案**清水河至河口村止慮陽河自北來會合流而南入下峪山溝至環椿坪始與慮虎水會原志未核

慮虎河發源縣治西北十里許慮虎山麓俗稱蘆虎山小

王村之側至城北轉而東南會慮陽河出上峪之河

口入清水河土人稱爲縣河改舊志

**案**慮虜河獨入清水河與虜陽河中隔大嶺不

相會辨詳上、

虜陽河發源縣治東北四十餘里小竇村之南虜陽

嶺之北獨龍山下又名太師壩山腰有大泉二附近平地

湧出小泉近百匯而成河地名龍灣頗有風景舊志

八景所謂龍灣煙雨者也源高流急土人修爲水磨

南行過西峽東峽兩村入峽口盧虜河自西北來會

入清水河改舊志

**案**虜陽水發源小竇村之東南平地不出獨龍

山山有龍池南流數里與龍灣水會水出太師壩

在獨龍山東岡阜各別導源互異自下合流入清

水河後與慮虜水會原志未核、

東峪河發源縣治東南七十餘里之白羊山下經東

峪村至陡寺與黑龍池合至河門村與清水河同入

滹沱改舊志

泉巖河又名小營河發源縣治西南四十五里泉巖

村之西小泉數百出崖根山麓匯而成河南行經泉

巖村郭家寨南北大溪村東治鎮槐陰村南入滹沱入滹沱之處與南岸潭背山斜對無潭背則南岸各村將爲滹沱所侵占無此河頂衝則北岸諸村亦將湮爲澤國不特資灌溉之利抑且收保障之功此河之關係於西南兩路者非淺鮮矣土人稱爲後河改舊志

滹沱河發源繁峙之秦威山西行北樓口水會之又西五臺山黑龍池水太華池水出峩口會之詳志又

西南入代州界代州諸水會之又西南入崞縣

界崞縣境內諸水會之又東南入忻州定襄界轉而北行至五臺之河邊村入五臺界至腰城山見上轉

而東行崞縣桐河西來會之又東流於段畝山之北見上泉巖河自北來會又東過簡子山見上又東入

峽山口見上行下峪山溝中至河門村清水河挾慮

虜陽諸水自北來會東峪河亦會焉又東懸孟縣界入直隸界自天津之西沽入海計行五臺境內者

約八九十里改舊志

案五臺境內成河道者實止此六水而五水皆入

五臺新志卷之二  
於滹沱、滹沱并州巨川、晉國名水、而在五臺境內、則非原非委、特中間之一曲耳、其水自西而東、一帶橫截爲眾水之歸墟焉、舊志於水道一門尤爲雜亂牽強、兩山之閒皆石溝、大雨則山水盈溝、雨止則無涓滴、皆謂之水可乎、甚至以定襄之聖阜水關入五臺、尤爲疎舛、今重加釐正、擇其有水者志之、其涓涓細流不能數里、或山凹一勺、僅供杯飲、舊志所載本不全、亦不足重加搜採、中臺之太華池、東臺之明月池、北臺之黑龍池、已見五臺山、不復重贅、

神武泉在縣治東北一百二十里之射虎川、康熙二十二年、

聖祖巡幸五臺、親御雕弧、殪猛虎於此、錫山名爲射虎川、撫臣穆爾賽將磨崖鐫字於石壁、山下剪除荒穢、忽有清泉湧出林莽中、甘冽澄法、經冬不涸、因名其泉曰神武泉、改舊志

**注**舊志藝文有穆爾賽神武泉碑記、康熙二十有

皇帝西巡清涼山爲太皇太后祈景福也、事畢、由菩薩頂遵長城嶺而旋、有虎伏叢薄、蓋

翳中駭而躍，皇帝親挽繁弱，壹發殪之。蓋此  
 虎為患茲山久矣，居民行旅聞而懼，咸謂宜錫  
 嘉名，永誌皇澤。巡撫山西副都御史臣穆爾  
 寶等以民情奏請，陳乞至再。詔乃許之。方將  
 修除荒蕪，忽有清泉湧出林莽，甘冽澄法。經冬不  
 竭，倚與休哉。臣爾寶等拜手稽首曰：臣聞天之化  
 育萬物也，煦之以春日，凜之以秋霜。聖人之治天  
 下也，興之以禮樂，懲之以刑罰。故天以至神之化  
 運於上，使庶類不測其端；聖人以至詳之法曉於  
 下，使羣情知有所避。彼貪墨橫暴之徒，猶虎也，聞  
 之能無滋懼乎？皇帝道德仁義，光被四表，凡  
 所舉動，皆以惠保元元為念。用是宇內乂安，人心  
 吏治莫不鼓舞變易，棄其舊而開其新。唐虞夏商  
 之盛，且復見於今日。故靈源紀異，昭  
 藏於靡涯。豈神爵醴泉，所可同而  
 語耶？因書射虎川於石，謹志之。

沙沛泉，在縣治南門外，一泓清澈，水極甘冽。舊志

九女泉，在縣治西北二里峯山下，山上有黑風洞，出

泉，其水稍溫，流不遠，即入慮虜河。舊志

龍泉，在縣治北五里龍掌峪之南。舊志

龍洞泉，出縣治東北四十里之天和山，水帶礬性，流

石上染成黃色，出石盆口入清水河。改舊志

魚洞泉，在縣治東南七十里魚洞山脚，所謂石窟躍

魚者也，水入漣沱。已詳山下改舊志

黑龍池，又名油盆池，與北臺之黑龍池同名。在縣治東南九十

里，黑山下油盆寺之側，深不可測。龍常見形，禱雨輒

應其水與東峪河合

改舊志

孤峪溝泉在縣治西南十五里黃土坡下地沮洳小泉會爲細流過通濟橋入孤峪溝溝長五里鑿山開道係通縣治大路澗深五六丈闊僅數武泉流其中遇窪則聚爲池夏秋有雨流出溝南無雨則流不出溝迤南之望景岡茶房兩村地處高阜掘井無泉皆走數里取汲於此家各有窖用以儲水冬則伐冰藏之無此泉則兩村無居民矣

改舊志

東潭在縣治西南二十五里段畝山之北東建安村

之前有潭甚大

見上志山  
詳下水利

西潭在東潭西北三里許潭巒山之下潭上村之前

有潭不及東潭之大

見上志山  
詳下水利

馬跑泉在縣治西北六十里探頭村外

舊志

濟難泉在縣治西數十里避事隘上不涸不流

舊志

磨山泉在縣治西南三十五里南大溪村對過磨子

山下

見上志山  
詳下水利

北嶽池在縣治北九十里竇村川樓巒頭之北北嶽廟側石崖內有天生石盤大小十八盤盤皆有水冬

夏不涸亦不流出改舊志

茹湖在閣嶺北嘖子內茹村之西北甄家莊之北嘖內平土一片四圍皆山水無出路遇夏秋雨多則聚於此成小湖地沮洳生蘆葦旅雁往來多翔集其濱頗似南方水鄉風景舊志八景所謂茹湖落雁者也近年湖漸淤平大半犁為田矣改舊志

**舊志**邑人張紳有茹湖落雁詩蘆荻花如雪波光澹不流似書

成錦字列陣下汀洲關塞千峯雨衡陽萬里愁茹湖霜尚薄疑是洞庭秋

**補**龍灣泉出太師墻下其源渟泓演迤大小以百

數而白沙泉尤甘冽

鸞輅西巡臺山恆遠汲備用南流出峽入於虜陽河邑人張燠往復龍灣二首云不到龍灣裏而今已數年青山倚龍崖碧水自潺湲野樹真常地閒鷗別有天獨憐賈道士高臥洞中元策蹇尋舊路迤邐過前岡山靄柴扉合宵清野水長孤燈懸夕照疎磬破林荒嘉爾桃源客踉蹌謝世忙張紳龍灣煙雨云仙閣迷丹若龍宮晝冥濛深蒲鳴聖鶴翠浪落松風綠逕苔莎潤青畦秫稻峯依稀雲樹裏幾杵暮鐘通

**補**龍池在獨龍山下距石一丈有石鑿清泉出焉

禱雨多應山西通志

**補**黑蓮池在田家岡北里許周數武深不測中有



游魚多則歲豐，禱雨亦驗，南流三里入泉巖河，以下  
並採訪冊

**補**水連洞泉，在縣治東八十里，山半有上下二洞，  
泉清冽異常，飲之可滌疫，洞外翠柏成陰，盛夏忘  
暑。

**補**白雲洞泉，在縣治東南一百三十里胡峪溝，洞  
當巖腹，清池一泓，不涸不溢。

**補**東峩湖，在東峩嶺下三十里閻家寨，流洑不常。

**補**西峩湖，在西峩嶺下三十里陽白村，泉脈潛伏。

時或湧溢，引以溉田，可八九頃。

**補**橋梁，有風水橋，在西關外，知縣王秉韜重修，廣  
有自記，見舊志。

善橋，在溝南村，知縣王秉韜創建。通濟橋，在縣南孤嶼溝。

知縣李承祖創建，縣人田龍爲之記云：縣南有地  
名孤嶼溝，距縣十五里，其各府州縣往來賓旅，暨  
本縣士民商賈，莫不率由斯路，是喫緊咽喉，最要  
關津也。無如山勢嵯峨，水機澎湃，履其地者，率皆  
以跋涉爲苦。舊架木以濟，第顛險不甯，且木易朽  
蠹，豈不拔之基哉？關中念公李父母來莅茲邑，目  
擊此險，卽勃然注念，爰督義民劉道捐俸，市材筮  
日鳩工，從上徹下，約三丈餘，專用石條以贅之，橫  
順布之以石，左右衛之以欄，不兩月而厥工告成。  
遠邇騰歡，猗與休哉！此正所謂一勞永逸，萬世利  
濟之澤耶？昔人曰：觀河洛而思禹功，余亦曰：過善  
此橋者，當亦思李公之攻謹勒石以識不朽。

濟橋在縣北淤泥溝

知縣王秉韜重修

白梁橋在滹沱河

上縣人徐鴻鳴每歲冬駕木

西巡橋在臺山塔院

寺前舊名巡檢司橋康熙二十二年更名

土田 新纂

五臺境內皆山土僅十之二三平土尤少城南小南路小西路之間有平土一區東西南北皆不過十里中閒仍夾有岡阜閣子嶺之北有平土一區東西十五里南北不足十里寶村嶺下有平土一區名寶村川東西十餘里南北不足十里大南路在滹沱河兩岸平土狹長如帶東西不足十里南北廣者二三里狹者不及一里南岸建安河邊等村閒有平土亦皆褊狹此外則岡阜紆蟠田高下如階級近山則皆梯

田矣上下峪石多土少民沿河砌石爲池候山水漲發濁水入池里草根而淤積數歲淤至五六寸即可耕種淤至尺餘卽成良田故上下峪產粟最多豐年溢濟鄰境然隔一二十年遇大水漲發土皆衝刷淨盡止餘粼粼白石則砌石再淤積數年十數年而後有田其艱難亦已甚矣土性疏薄惟大南路厚而堅其色或黃或白閒有赤埴黑墳樹藝惟大南路之東西兩潭大西路之泉巖村小東路之龍灣大北路之鹿陽河源可以種稻苦於無多此外則皆種雜糧南

路地煖宜高粱宜麥宜稷宜黍宜豆宜蕎麥北至縣城左近高粱已少迤北絕無高粱黍稷之外多玉菱大豆番薯俗名同回山藥再北近五臺山則以玉菱油麥爲

主南路種麥甚少北路較多然不解種宿麥惟種春麥而已雜植則小南路之下峪有核桃榛子花椒桃杏柿大南路之東半多棗林大西路之田家岡善文金山一帶多植梨果其地與崞縣之桐川隔一山梁故亦解種樹也

**補田賦**民田爲多民田之外有屯田爲太原振武

二衛歸併於縣者其賦多米豆有更名田為前明藩府莊田散佃於民者其賦皆租課民田賦分四等曰水地畝徵糧八升半曰平地畝徵糧一斗二升曰坡地畝徵糧四升曰沙地畝徵糧一升大率田多坡沙上地不過十之一賦皆改折本色不及二十之一今綜其畝數民田凡二千九百三十頃二十四畝有奇徵本色米三百九十七石四斗一升二合四勺折色銀一萬二百六十八兩四錢四分四毫每糧一石折銀八錢七分一釐七毫地畝九釐銀每畝徵銀四釐一毫其銀六百二十九兩九錢九分七釐又驛站銀每糧

一石徵銀七分九釐有奇並在內外有豐贍庫夏秋稅銀一錢三分八釐四毫加增絲絹銀五兩八錢四分並前明舊制裁屯田凡三百三十頃九減所餘者攤入地畝徵收屯田凡三百三十頃九十四畝一分七釐太原右衛坐落本縣坡地三百武衛歸併本縣下徵本色豆三百二十六石五斗地二十一頃三畝太原衛二百五十六石九斗九合六升二合八勺太原衛六十九石六斗五升三合太原衛折色銀二百二十兩三錢三分六釐四毫太原右衛更名田凡二百五十二頃四十一畝八分五釐徵折色銀三百六兩二錢四分七釐三毫內房行布課銀合計見額其田三千五百七十三頃六六兩二分

十畝四釐有奇、振武衛屯田舊、共糧七百八十二

石五斗二升三合三勺有奇、內米一百八十九石

黑豆二百七石七斗九合七勺有奇、每豆一石五

斗改徵粟米一石、共改徵米一百三十八石四斗

七升三合一勺有奇、豆二百五十六石九斗九合

八勺有奇、又額外未入地丁收入兵馬册起科

米二十七斗九升四合七勺有奇、以上正徵改

徵其米三百五十五石九斗七升五勺、豆三百二

十六石六斗五升一石九斗七升五勺、豆三百二

勺、振武衛屯豆在內、共銀一萬七百九十五兩二

分四釐有奇、更名屯人徭銀一十三兩

額稍不及、賦役全書乾隆三十六年實在民屯各

八釐、共徵本色糧六百五十九石八斗五升七分

三勺、折色銀一萬九百二十九兩六錢七分八釐

續於乾隆五十二年至嘉慶六年、共豁免水衝

沙壓民屯地二十五頃二畝四分三釐、除糧五石

五斗九升三合三勺有奇、除銀一、而贏於順治原

百三十一兩九錢五分六釐六毫

額者實倍過之、賦役全書順治十四年、蠲免有主

六釐、豁糧五千九百五石四斗七升五勺外、實存

原額民屯、更名成熟地一千五百七頃五十六畝

三分六釐、徵本色糧三百二十九石一斗九升七

合九勺、折色銀七千七百七十七兩一錢五分四

釐九毫、續於順治十四年起至乾隆三十七年

名田一百四十七頃八十五畝五分徵租課銀一百五十六兩四錢七分七釐以上共收民屯更名各地一千七百四十四頃七畝八分四釐共徵本色糧二百八十三石三斗八升八合三勺其徵折色銀二千八百六兩四錢有奇其雍正中併收二衛屯田不在數內

正賦之外額徵均徭銀一千七百三十八兩五錢

六分八釐五毫攤歸地畝

乾隆三十一年編審實行差人一萬二千九百

八十八丁中中至下下凡五則應徵均徭並買辦本色顏料加增銀一千六百七十七兩五錢太原右衛歸併前衛人一百三十丁中下至下下四則應徵均徭銀四十九兩九錢六分六釐五毫振武衛人八十丁中下至下下四則應徵均徭銀十九兩二錢七分二釐七毫除幣銀十一兩一錢一分二釐六毫其銀一千七百二十五兩二錢六分又更名屯人一百四丁舊編徭銀十三兩三錢並於

乾隆二十三年全數歸入地畝

自三十七年後並編審停止

正徵之外有土鹽稅銀二百三十八兩六錢九分

五釐操賞酒課銀十二兩匠價銀九兩七錢七分

七釐並於嘉慶十二年攤入地畝徵收

其雜稅有正額有盈餘計

銀九百八十八兩四錢五分五釐

房田稅契銀十三兩八錢八分

四釐盈餘銀九十九兩一錢三分六釐

二十八兩五錢六分九釐盈餘銀三百七兩二錢

八分六釐畜稅銀二兩七釐盈餘銀一百九兩

一錢七分三釐牙稅銀四兩四錢當稅銀四百三十兩雜稅項內商稅銀與地畝所徵鹽稅酒課匠價歸額外解部款

凡地丁正賦起運戶部銀七千七百三十四兩六

錢五分一釐

額外雜款銀九百二十八兩六錢六釐

存留本省額餉

銀三千七百三十九兩二錢七分四釐

本色米豆如數

縣俸工雜支銀一千二百三十二兩二錢四分八

釐

內裁定銀四百一兩五錢八分一釐

榆次太谷二縣撥補本縣不敷徭銀八百三十兩六錢六分六釐

其前代田賦戶口之可稽者元時田二千四十八

頃五十四畝二分夏秋稅糧一萬二千九百六十

五石二斗六升九合二勺圭戶一千八百七十二

口十二萬七百有五客戶四百九十一口八千六

百一十七明洪武中田二千五十五頃六十六畝

二分萬曆九年均丈定爲五等地色

分上等等上次中等中次下

等爲額二千六百一十七頃二十四畝六分二釐

夏秋稅糧共一萬三千七百四十四石二斗八升

八合三勺條鞭徵銀一萬二千二百七十九兩五

錢九分九釐有奇

絲絹等銀約五十餘兩

戶洪武中一千八

百九十二

軍七百七十二戶民一千七十二戶儒

五戶口一萬四千八百三十

男子九千七百七十五婦女五千五十五

並見舊志

水利 新纂

臺境田在岡阜水利絕少河之大者爲滹沱而地  
高河下有衝刷之害無灌溉之益其引水成渠可  
以溉田者惟東路之上下峪及西南路之小營河  
金知州李華嘗勸民引水灌溉並刻石以杜訟端  
明知縣李承祖復均平小營河分水日期命名曰  
豐樂渠兩公之惠愛臺民可謂至矣今分著之

清水河詳上行上峪中開渠灌田者五村曰松巖口

曰上耿家庄曰河西曰河北曰高洪口松巖口地闊



而腴甲乎諸村、下游會慮虜陽兩河之水流入下峪、開渠灌田者四村、曰孤獨店、曰下耿家莊、曰教場村、曰羅家莊、

東峪河、詳上山水經下峪之移城村、孫家莊、百蘭里三村、

引水灌田、

**田**案上下峪中河水環流各村、賴利但地借淤積、予奪之權、司自波臣成毀無常、難爲定例、原文所紀灌漑村數、本諸舊志、與今形勢殊未盡合、好事者不得借爲口實、

泉巖河卽小營河、

詳上志水

五臺水利之最大者、引渠灌

田、不知起於何代、大約千百餘年矣、明萬曆閒、爲上

游豪右所占、鑿沙灘爲水田、數日頻灌、而下游輪上

則之賦者、曾不得沾涓滴、鄉民徐光宇等、訴於本道

分數稍定、既而復爲豪民所侵占、渭南李承祖來令

五臺、乃親行履勘、量地之多寡、分水之日期、郭家寨

地三頃、水一日、大溪村地八頃、水二日半、槐陰村地

十七頃、水三日半、東冶以東各村地三十二頃、水六

日、計地六十頃、十三日而一周、名其渠曰豐樂渠、邑

人推官智幾先撰均平水道記勒石由是爭端止息  
入 國朝尙沿此舊規而稍有變動郭家寨仍一日  
大溪村分爲南北北大溪村二日半南大溪村一日  
南大溪舊名小營屯槐陰二日半東冶五級村合五日永安村  
永新村新村石村前後堡共一日計十三日而一周  
築壩之後各村按日分水限以時刻涓滴皆入民田  
絕無滲漏田最多而腴者爲東冶五級村然西畔在  
上游得水易可種蔬菜瓜壺每畝價值七八十千東  
畔在下游得水難僅可種五穀及蘿苣每畝價值僅四  
五十千大渠之南南北畛之外舊尙有東西畛若干  
頃近數十年來爲滹沱衝齧坍塌已盡坍入河灘者  
近年人頗種稻然水大漲則盡沒於河五級村東南  
舊皆旱田近年居人取土築牆築壑高岸成窪可以  
灌溉故濱河之水田已付波臣而近村之旱田又成  
腴壤滄桑數十年而一變勢固然哉

**注**縣册槐陰村水地向有接壤之南大溪小營屯  
地畝應分水原碑未及分敘崇禎年及 國朝乾  
嘉之時各村迭以分水日期時刻互爭上控嘉慶

二十年經太原守葉公奉委審結斷令南大溪與小營屯仍照舊章使水一晝夜南大溪午正自上正退歸槐陰村接灌二日半合之共三日半至今遵行各村輪灌仍十三日而一周原志未核南大溪與小營屯並非一村其抵悟實由修志時客居於外無鄉人為之採訪僅憑記憶或據傳聞雖不足為著書病而水利所在動致訟爭一語小疏弊端即啓爰檢舊案詳注之庶挾私者不得操為左券焉

附錄智後先均平水道碑記五言晉僻邑也溱沱為帶環繞西南奔湧浩瀚地高而水下殊無補於灌漑北有泉巖河細流不及沱十分之一由郭家寨大興沛流於槐陰東后等村洋洋浩浩頗大

便利適據上流鑿沙灘為水地數日頻灌而膺朝廷重稅者坐視乾燥閒有一溉則其借姻親也不則攜雞酒而昭亡命雄豪也河邊民徐光宇泣訴本道分數稍定楚人杜議日期而里中豪橫益肆邑侯李公自陝右來守是邑胷中涇渭分明有澄清廬虜之志量地之多寡分水之日期自上而下周而復始仍遣牌以巡守防河上之元喧刻印以封隄禁晨昏之盜決彈壓豪橫之心杜塞後來之口郭家寨地三頃水一日大興地八頃水二日半槐陰地十七頃水三日半東冶等村地三十二頃水六日一分派而三都稱便矣偉哉偉哉昔西門豹治鄴十二渠邑人苦役豹日百歲後父老子孫思我當其苦勞費時沮者非一不禁不撓渠竟就厥後漢長史以十二渠橋絕馳道相近欲合二橋為一橋父老不肯曰賢君之法式不可改也豹借民之力興民之利民且永世不謬矧公行所無事因民之所利而利之者乎若夫善催征而鞭笞不用審均徭而頌聲交作招流亡而集澤飛鴻撫邦

屯而復邦啄鳥重根本則修學校而設禹門雲路  
嚴保甲則繕城郭而建演武敵樓葺社倉以預賑  
貸之所編保甲而申盜賊之禁公皆行之而無難  
焉豈特分水一事哉予以爲分水一事非一時之  
利固貽萬世之澤者也於是敬爲之銘曰華嶽之  
峯秀而魏黃河之水清而奇天以河山之秀氣流  
入李公心與脾去涇涉渭守臺邑沛乎德澤淵然  
思量地多寡分水期汪洋千頃誰及幾禹甸南山  
河洛思鄴守西門馬史紀祝公  
福壽多男兒臺人亦永有榮施

磨山渠

見上山水

止灌槐陰及東冶以東各村之田築壩

在泉巖河大壩之南槐陰在河西岸循山根引渠甚  
便東冶以東各村在河東岸每歲截河築壩頗費人  
工近來東岸之渠漸廢惟槐陰尙用此水

泉巖小營河發源之地崖根山麓大小泉以數百計  
而未能匯合成渠居人就地作畦種稻甚茂爲數不  
及建安東西兩潭之半迤南至郭家寨乃會而成河  
分日灌田矣

東西兩潭在淳沱河南岸

已詳上山水

東潭大西潭較小

潭內出鯽魚味甚鮮長不過五六寸亦有鯪鱖蝦則  
細碎不可食民人種稻之外兼植藕秧綠藻紅頗似  
南方風景舊日淳沱南岸西起潭上東至張家莊彌  
望青葱皆稻田也乾隆五十二年淳沱漲發衝入南

岸稻田悉被沙壓糧雖報豁土已不毛數不及從前  
之十之二三沙灘有植柳者亦不甚茂

龍灣泉

詳上山水

卽鹿陽河之源種稻米極佳然田不足

頃其水南流成河醬房東峽西峽三村可以溉田然  
三村在山坡田亦多在高阜僅附近河邊之田可以  
灌溉耳

**龍**

龍灣泉非鹿陽河源詳見山水

舊志亦有水利一門誤以泉巖河爲慮鹿河以明  
知縣李承祖爲李華不知李華乃金知州非明知

縣也

**田**案李華金史有傳非知州辨詳名宦

生計

新纂

晉俗以商賈爲重、非棄本而逐末、土狹人滿、田不足於耕也、太原汾州所稱饒沃之數、大縣及關北之忻州皆服賈於京畿三江兩湖嶺表、東西北三口、致富在數千里、或萬餘里外、不資地力、五臺幅員至六七百里、可耕之土不過十之二三、而服賈皆在才土、無出外者、資本旣微、獲利無幾、合邑之所稱素封、在省南不過中戶、亦止寥寥數家、此外皆資田土無田者履險登山、石罅有片土、刨掘下種、冀收升斗、上下或

至二三十里農工稍暇皆以馱炭爲業炭者石炭似煤而有煙縣治東北之天和山東南之窰頭山產炭最王炭窰計百十餘處山路崎嶇盤折高者至數十里民皆驅驢羸往馱無驢羸者背負之健者能負百餘觔夜半往旁午歸一路魚貫而行望之如蟻其炭供本境之外旁溢於崞縣定襄忻州農民完課授衣婚喪雜費皆賴乎此開民腰斧入山斫柴捫蘿攀葛履蹊屢之徑蹈虺蜴之窟負歸賣於街市易一升粟匠藝則多木匠多在忻州西山及太原汾州各縣泥

瓦匠多在直隸正定一帶石匠舊趨京師近年官工少皆在本地謀生以三晉通省論之生計之艱苦至五臺極矣然迭遭荒年餓莩絕少亦從無賣子女爲婢妾者惟其勤也傳曰民生在勤勤則不匱諒哉

**注**退密齋詩鈔有馱炭道茲附錄原序炭石炭也似煤而有煙大

原以南煤炭兼產關北則有炭而無煤五臺南界產炭山路高險俗呼馱炭道民間農隙皆以馱炭爲業余所居之東治鎮其聚處也隔巷相呼犬驚自幼目睹艱辛雜方言作馱炭道

擾夜半驅驢馱炭道驢行黑暗鐸丁東比到窰頭天未曉產炭之地馱炭道十八盤山嶺地名羊腸蟠繞

出雲端寒風塞口不得語啓明十丈光團藥窰盤  
已見人如蟻窰口外積炭燒得乾糧飲滾水日乾

糧熱水兩囊盛滿捆驢鞍背負一囊高累累馱炭

道何難行歸時不似來時輕人步偃僂驢步碎石

石頭路滑時欲傾日將亭午望街頭汗和塵土面交

流忽聞炭價今朝減不覺心內懷煩憂價減一時

猶自可大雪封山愁殺我逢大雪山路即斷或至旬餘

風俗 新纂

晉俗之儉自古而然太原汾州數大縣以商賈致富頗有流於奢靡變其本俗者餘則儉嗇仍有唐魏之風五臺地本貧瘠其俗之儉爲尤甚種山田數十畝秋穫幸遇豐年倉箱皆滿必預計日完糧須糶若干留種若干某穀可食至明年幾月某穀有餘可糶某穀僅敷食某穀不足婦女皆能核計數米而炊無敢浪費者古謂唐魏之民思深信矣東北路地廣人稀略穠者少南路地狹人滿豐年亦雜穠糶故諺稱大



有之年曰精米活穀謂不食糟糠也麥珍如珠非祭  
先供客婚喪不用無故而食白麪人以爲不祥稻米  
則供客或病人煮粥偶一見之家醃蘿苜蔓荊一甕  
以御冬春夏多食野菜以葱韭豆腐雞卵爲甘旨菘  
薯爲珍味貧家終年不見肉至度歲乃割片肉爲水  
角衣用直隸平山所產堅厚之布農人夏一袷冬一  
襖一褲商賈隆冬走山谷布襖之外襲老羊皮馬褂  
士類一綿布袍一綿馬褂無衣裘衣帛者近年風俗  
稍變富家或衣蘭綉然亦甚少婦女勤苦尤甚富家

亦自任炊爨兩餐皆手自操作舂碾碓磨閒雇人爲  
之中人之家皆自任朝暮無暇晷偶暇乃從事縫紉  
澣污補綻不棄寸縷然頭足修整不似傭媪之蓬頭  
垢面非新嫁娘不衣帛首飾以銀爲極貴近年閒有  
鍍金黃金幘翠眞珠富家亦無有嫁娶不尙妝奩富  
家閒有綺紈數襲簪珥數事所費不溢百金中人之  
家一襖一裙而已故貧家亦從無溺女之事父母翁  
姑之喪縞素足三年不解二十七月之制喪祭斬齊  
經杖獻食遵用文公家禮娶妻必親迎禮頗鄭重俗

重廉恥畧知禮讓攜幼女襁褓乞食不肯賣爲婢妾  
故買妾必於數百里外本土卽重價不能得或車或  
騎過村墟必下會爲達官無敢違此例者夜有探胙  
一呼卽四鄰皆應聲升屋猶有守望相助之意因富  
者不敢卑視貧人貧者無幸災樂禍之心也其人真  
率樸訥無機心狹小卞急無恢闊容人之量士子多  
寒儉藏書不盈一篋講章帖括之外鮮藏歷代史書  
者

五臺之在三晉最爲貧瘠而其風俗遠過於太原  
汾州諸大縣所以然者正以其貧也嚮使臺民亦  
賢遷遠方如諸大縣力能致富則風氣之變亦已  
久矣傳曰沃土之民不材又曰勞則思善逸則思  
淫其信然乎

**注**退密齋詩鈔有啗糠詞茲附錄

原序晉俗儉嗇石嶺關以北寒

瘠尤甚豐年亦雜糠秕司牧者宜念之也

富食米貧啗糠細糠猶自可

粗糠索索刷我腸

初碾者爲粗糠再碾者爲細糠

八斗糠一斗粟

俗稱爲八兌

一卻似搏來沙一掬亦知下咽甚艱難且用

療飢充我腹今年都道秋收好固有餘糧固有漿

一半糠粃一半米婦子欣欣同一飽昨行都會官  
衙頭粒米如珠流水溝對之垂涎長歎息安得淘  
洗持作粥

五臺新志卷二終

